



清詩初集卷之十一

武進蔣 鑰玉淵

選

錢塘翁介眉武原

黃安張希良石虹

仁和王

暉丹麓

無錫嚴繩孫蓀友

會稽蔣漢紀波澄

定

五言絕

獨夜

李念慈

毗瞻涇陽

獨酌秋燈下風聲似夜潮客牀常懶就况復是寒宵

青山

王士禛

貽上新城

晨雨過青山漠漠寒煙織不見秣陵城坐愛秋江色

江上寄程崑崙



江北望江南祇隔江津水日暮寒潮生愁心滿揚子

佳人照鏡

宋徵輿轅文華亭

素色明金屋青蛾寒玉臺粧成還一照疑是月中來

其二

佳人不識明鏡照偏多對影如相問傾城柰爾何

黃澹菴見贈人面竹杖

周廷鑑元立晉江

遊息從天意扶持見友情祇應人面老無復少年行

得吳楚諸故人書

程封石門江夏

忽有南人到親朋萬里餘燈前無數淚不敢發來書

大隄女

許虬竹隱長洲

斑馬紫絲韁青袍白鬪裝公然不顧妾一徑走襄陽

采桑女

行來桑樹邊偶值東鄰女各復忘采桑斜陽久共語

題柳枝春鳥圖

錢謙益牧齋常熟

婀娜黃金縷春風上苑西靈禽能嘯侶先揀一枝棲

歸雲菴

呂潛半隱遂寧

竹裏煙光合秋山樹影分自憐長作客歸計不如雲

客思

邢昉孟貞高淳

客心如遊絲偶墜青苔上一受東風吹晴空即飄蕩

古意

馮溥易齋益都

我有白鼻騮欵段負行李借與碧眼兒一日行千里

南陽野望

戴明說道縣滄州

城上望丘隴無枝枯栢在城中人已稀隙地將誰待

題酒家壁

方文爾止
桐城

問我來何數非關飲興豪風塵燕市裏或恐有荆高

送曹九

李世恪
共人江陵

炙笙理哀絲絲急不能理中情欲告誰夜半寒山雨

種竹

梁清標
玉立真定

窗下種琅玕時聞青玉響一夕風雨生身臥滄江上

種蕉

種蕉向北窗陰陰下夕景倏覺草堂寒涼月印窗影

對酒

王光承
玠布華亭

撫劍對尊酒低頭無一言三年大梁客辜負信陵恩

山居

張綱孫
祖望錢塘

朝雲起山南暮雲起山北只有山中人朝暮見山色

鷓鴣啼

李贊元
匡侯龍溪

寒牀寂無語鷓鴣啼向曙如何不早啼郎已出門去

松坪

朱徽
遂初進賢

夜從孤峰下蒼茫斷歸路遙聞人語聲正在松溪處

贈友人家伎

劉孔和
節之長山

心傷三月雨夢釋五更鐘如今羞解事無計罵春風

夜溪

申涵光
鳧盟廣平

昨日山雲黑沙邊見新漲夜靜水空明魚遊星月上

落花

春風忽欲闌有杯莫放手試看落地花還得上枝否

無黨來白下

王鐸覺斯孟津

亂來經歲久鄉思屢徘徊亟問雙親健家書敢驟開

關塞

寒衣何所寄云在隴西頭隴上移軍去復傳在夏州

雜咏

曹勲允大嘉善

堂堂漢天子弄兒作三公女后乃差勝不相張昌宗

金陵題畫扇

侯方域朝宗商丘

秦淮橋下水舊是六朝月煙雨惜繁華吹簫夜不歇

山居

錢繼登龍門嘉善

人問居山事居山有何事一念不生時萬壑爭流際

婕妤怨

李雯舒章華亭

雪盡宮梅發春來御柳垂可憐長信殿亦有艷陽時

聞鵲

姚佺山期長洲

何事催歸鳥惺惺勸我還無家住何處歸去正茫然

春遊

嚴正矩絮菴孝感

重惜羣芳歇行遊戀物華三春漸欲盡紫陌亂飛花

尋裴公洞

王士祿子底新城

攬壁松髯古緣江石徑微屐聲驚怖鴿戛戛掠巖飛

夜行揚子橋道中

來舟與去楫沿溯共川塗篙師慣風水暗裏相招呼

輕陰

李燾坦園高陽

輕陰午夢涼臥聽疎雨集淡院晝無人苔影侵牀溼

河上

許作梅傳巖新鄉

鴻鴈正哀鳴青青麥未熟背上一束薪心頭幾絲肉

題美人折花圖

蔡方炳九霞崑山

窺綠鶯先覺攀芳蝶共知自來常恃寵偏索最高枝

松陵垂虹橋

陳維崧其年宜興

繡襪吳江女行遊月下天采菱歌不歇羅帶颺風前

漢武帝

吳偉業梅村太倉

岱觀東近日河源西問天晚來雄畧盡巫蠱是神仙

得家書

越其杰卓凡平越

題處垂雙淚攜來歷萬峰人從今日至書是去年封

春怨

宋存標子建華亭

一月不出門三日枕書卷饑來何所餐咽盡桃花片

臘盡還南

杜濬于皇黃岡

妻孥誤見嗔我信如潮汐出門必上元還家必除夕

梅下

獨坐歐梅亭步繞歐梅址不見歐梅花且拾歐梅子

暮春偶書

熊文舉雪堂新建

折花香在手不許春風吹吹入羅幃裏佳人腸斷時

歸舟回望浮渡

林古度茂之福清

蒼翠招我來蒼翠送我去幾日蒼翠中不知置身處

秋日

周損遠害森城

石上紅葉落秋雲澹相接來去自紛紛鐘聲靜歸屐

別天目弟

顧夢游與治江寧

一劍何人許高堂有老親黃金因客盡身在不言貧

燈船曲

冒襄辟疆如臯

盈盈船上女羞燈伴清池燈影獨相依水影鴛鴦知

湖上

曹爾堪顧菴嘉善

簟滑孤眠夜粧殘薄醉時五龍橋下月應與照相思

久客

沈謙去矜錢塘

久客西陵道蕭條愁殺人梅花昨夜發山縣又逢春

臥龍松

柯崇樸寓善嘉善

偃蹇餘蒼翠盤回作老龍若從風雨去誰覓入雲蹤

題郵亭

施閏章尚白宣城

春日勞勞盡風沙眼不開東風不忍背為自故鄉來

臺樹

陳廷敬子端澤州

臺上古時樹下傍空城曲秋風樹葉黃春風樹葉綠

春日

屈大均翁山東莞

初日流珠閣春禽啼畫眉可憐堦下草寸寸是相思

古意

李天馥湘北永城

鄉村嬌小女初學避人羞不識調脂粉山花插滿頭

聞笛

徐士俊野君仁和

殷勤折楊柳宛轉落梅花不識柯亭路胡牀倚月華

野草

秦松齡雷仙無錫

野草忽已青他鄉易愁絕客愁日夜生芳草何時歇

秋望

汪文楨

周士休寧

青山落晚翠碧樹響秋蟬遙看往來者溪邊候渡船

山行

陳玉璣

賡明武進

山在虛無際泉流斷嶺傍千盤迴馬首雲白曉蒼蒼

書見

蔣遵路

路然無錫

客子遇主人老女嫁鄉鄰但得結即歡便不怕郎嗔

閨思

丁澎

飛濤仁和

月出生微涼團團上高樹未照妾羅幃先到黃花戍

昭明讀書臺故址

王摠

虹友太倉

帝子今安在遺墟蔓草平傷心不可道落葉滿臺城

無絃琴

周亮工

元亮祥符

抱琴臥北窗自謂羲皇上如何無一絃能使眾山響

川行

韓畱

經正北平

川長靜無風擊楫逐前侶落日煙水昏舟人暗相語

田家

姚安

哲符秀水

數家共一溪比屋多姻婭柴扉映修竹鷄鳴落花下

新婦怨

宋琬

玉叔萊陽

妾似初弦月纖纖只半弓未逢三五夕還與缺時同

雨荷

毛先舒

稚黃錢塘

不分滿湖雨荷花嬌奈何腮邊紅更溼應為苦心多

泊河月夜

沈荃

貞蕤華亭

雙泊澄波靜秋清月復明乘槎應有客不待海潮生

秋際

孫枝蔚 豹人 三原

庭堦木葉飛秋雲迅似馬來往日紛紜誰為靜觀者

宜竹

浙瀝雜秋聲月下搖清影雲漢故人高堦畔生淡省

冬青行

趙潛雙白 漳浦

悠悠萬里雲鬱鬱千年樹上枝棲古魂下枝掃古墓

春情

史惟圓雲臣 宜興

無恙春風在芳菲到里新雕闌花滿砌偏愛少年人

涉渭宿安陽屯

曾畹庭間 寧夏

春風迴渭水獵火出周原馬帶斜陽色聲聲向塞垣

東沈林公

鄧漢儀孝威 南陽

春夜苦無多良游燭須秉請看風雨村畱得桃花影

五州山夜坐

何絜雍南 丹徒

懸巖響新竹巖下繞飛瀑一夜山風吹聲聲落茅屋

山行

魏裔介石生 栢鄉

久負青山約今來雲上遊野光滿谷口流水出丹丘

古意

張競光又競 錢塘

客從何處來言自洛陽道借問洛陽花還如舊日好

江行

丘象升曙戒 山陽

朝望江東雲暮宿江西水江水日東流船頭復南徙

春思

俞南史無殊 吳江

春花開復落寂寂閉閒門夜久挑燈坐無人見淚痕

山中

王鴻緒季友

春雨連朝夕林巖喜日晴杳然人世外坐看白雲生

送別

華袞龍眉

暫借旗亭酒為君進一觴洞庭孤宿夜明月滿三湘

觀石門瀑布

杜濠子廉

溪淡淼無極石闕森相對半里聞水聲懸泉在其內

旅泊

朱克生國楨

落帆依古岸客夢然寒燈不及潞河月今宵照廣陵

野燒

黃雲仙裳

一鴈叫霜空飛蓬捲夜風不堪心屢折野燒隔山紅

中秋宿禁中

趙隨武昔

臨眺層雲淡水輪正復清如何玉階側亦有候蟲鳴

金陵雜詠

李滢鏡月

步屨長千里嵐光染客衣鶯花三月好處處啓柴扉

寄內古意

陸圻鹿京

作書寄內人揚子如灑灑我自上金陵不向揚州去

古意

趙進美韞退

歌起銀箏緩酒行玉珥寒周郎今夜醉雖誤不會看

書壁

駱復旦叔夜

孟博登車意隆中抱膝情對天長不語夜雨溼孤城

美人照鏡

王熙子雍

曉起試羅衣花鈿影是非常看不回首相愛意依依

蓄琴

方象瑛

渭仁遂安

有琴不好彈偶然以心賞琴言我自知不受知音獎

散步

劉肇國

阮仙潛江

溪水隨時發山花任意開支筇無定向到處是蓬萊

長干行

羅人琮

紫蘿桃源

朝望江水清暮望江雲白朝暮空相望不如化為石

輞川館看桂

蔣漢紀

波澄會稽

樹上花自開樹下人自坐兩意不相關秋風吹香過

孟嘗君

暉春初

同中武進

四君何太豪英名不相下胡為珠履中乃有鷄鳴者

朔風

翁世庸

用公錢塘

朔風當歲寒飛沙昏白日本是平生人對面不相識

對月

陳維嶠

半雪空典

明月滿銀塘春風吹綠楊不知征戍苦夜夜照流黃

落花

吳綺

園次江都

嬌紅原自好經雨化香塵却羨銜泥燕高懸一片春

春情

朱嘉徵

岷左海寧

宋玉羅含宅春風不再過誰當後來者心賞定如何

過遠公不遇

張惣

僧持江寧

雨後石頭菴潺潺響飛瀑主人偶出山雲在山中宿

夢登峴山

嚴我斯

就思歸安

月落萬峰青波搖千樹綠野老荷鋤歸淡林結茆屋

鷄鳴

彭孫貽

仲謀海鹽

怪殺長鳴鷄自謂知天曙歸夢不分明又渡秋江去

北平

張恂

釋恭涇陽

古碑臨大道人說飛將軍不見射雕處天橫萬古雲

舟泊漢上

譚篆

玉章景陵

日日江頭雨青山暗不開一簑漁子意猶自喚風來

伏波將軍廟

張一鵠

友鴻華亭

銅柱當年事千秋食報多至今蠻女舞猶唱漢鏡歌

彈琴峽

陸棻

義山平湖

流水一何淡高山落日陰雍門空灑淚感激為知音

征途

李明睿

太虛南昌

到家忽不樂作客反如歸因識天邊鴈南飛又北飛

聽縑繭聲

蔣永修

慎齋宜興

風吹聲斷續來自隔庭闌擬煩纖手力奏上素絲紈

桃葉渡訪史林宗

李昌祚

文孫漢陽

空梁星在水紫陌馬方嘶願執同心手無忘事鼓鼙

題畫

嚴沆

子餐餘杭

遠樹漾蒼煙輕沙縈綠渚中有抱琴人自作松風語

彭郎換小艇曉發

陳允衡

伯幾南昌

不省出門遠沿江辨水痕一鐮殘夜月照斷五更魂

龍口泊舟雨後見新月

毛際可

會侯遂安

帶月平如練澄光靜處多沙禽眠更浴衝起石間波

風阻潯陽

呂祚德錫馨金壇

閨裏金錢卜遙知計日程北風吹獨臥夜夜九江城

古聊城

趙貞松一太倉

燕將開堅壘孤城百戰餘不知守土義翻作說降書

村居

丁煒陽水德化

煙火淡林隔前村有路通時聞寒犬吠半在竹籬中

歲暮

王猷定于南昌

繡鬢輝千騎黃駝貫百塵莫唱江南曲悲風下暮天

別彥弼弟

沙張白定峰江陰

只道別離易送君南陌頭歸來逢日暮燈火照空樓

江陰道中

曹溶秋岳嘉善

沙岸高如阜田家覆竹陰潮來又潮落秋水幾時淡

昨夜

孫自式衣月武進

昨夜夢還家東園樹樹花春光看不盡向曉亂啼鴉

江亭

朱彝尊錫鬯秀水

楊柳官亭外春來送客頻傷心車馬地淚盡復生塵

題畫

吳統持巨手嘉興

曉色入林薄秋山靜如洗隔岸松濤聲蕭蕭逐風起

潭口尋仙人蹟

魏禮和公寧都

我非許道士乘興亦能來但領秋光意石門何必開

望蘆洲

李淦若金興化

江月荒荒白山風細細勻隔洲煙火起知是刈蘆人

桐廬

江闈辰六新貴

鷓鴣鳴千里蘭橈更幾灣客心不道遠知近子陵灘

越中

馮雲驤訥生代州

昔日越王宮今朝滿地竹范蠡不歸來春草年年綠

齊山襍詠

周體觀伯衡遵化

隔浦望江天瀾瀾知近遠不見江水流但見江帆轉

病起望魏賞延村莊

熊伯龍次侯漢陽

綠葉隱茅屋青春迷去來人歸客病後正正一門開

岳州作

宮家璧百朋遼陽

巴陵重上望不見岳陽樓為問洞庭水湘妃幾許愁

江干

陳增新子更嘉善

潮落浮三折煙淡隱六和錢塘弄潮女生小慣吳歌

夜泊

牛奐潛子長治

扁舟孤岸住有懷待明發遙憶故鄉人共此一輪月

古艷詞

徐緘伯調山陰

日出約鬪草四更起梳頭粧罷羞不出向壁彈箜篌

紫沙洲

蔣賓坊穎揆武進

江沙團岸紫隴麥捲風黃守汛烽煙息戢弓送客航

舟行望樓上月

顧景星黃公崑山

綺疏初滅燭屈戍定關春可憐後夜月付與蕩舟人

題畫

宋之繩其武溧陽

山花不辨名溪水自淡淺採藥獨歸來古木多苔蘚

訪隱者

宗元鼎定九江都

上嶺下嶺樹入山出山雲樹淡雲靜處茅屋隔溪分

西陂道中

王曰高北山在平

走馬芳洲曲綠草淡于染不聞人語聲但見平煙遠

獨坐

李以籍聲叔漢陽

浮雲本無定明月若有期此意空千載悠悠孰與知

記夢

何采敬輿桐城

似識夢中簪曾挿生前髻持此以量愁長短幾千尺

江村聞鴈

丘象隨季貞山陽

遠山雲欲起春月澹空江沙淺瀟湘夢遙歸鴈一雙

東谿歌

朱茂暉子蓉嘉興

萬壑爭流急猿聲四面啼不知秋月裏若箇是清谿

過王章故里

李長科小有典化

貧賤安足泣富貴無相忘對此犢鼻禪淒其淚兩行

秦園古籐

孫治宇台錢塘

我愛秦氏籐云已二百歲長伴山中人白雲此休憩

古意

郭礎石公江都

閨人惜顏色對鏡自怡悅郎面不如鏡妾心亂于雪

宮怨

陸求可咸一山陽

莫開長信門莫除玉階草慚愧鏡裏容日盼羊車老

仁化渡口再寄澹公

彭孫適駿孫海鹽

丹霞渺何許千嶂插晴空却望雲生處君應在此中

七夕夜女歌

東蔭商雲雛華陰

女兒不解情問人鵲橋路織女與牛郎兩人誰先渡

夕佳亭

紀映鍾伯紫江寧

秋色滿西山鳥影落寒翠獨有倚樓人日夕澹無事

山居

許孫荃生洲合肥

一山雲氣青一山雲氣白愛此山中人開門見山色

畱別

李必果令貽漢陽

未是別離人那知離別苦重逢雖有期此恨應難補

攔江磯

朱爾邁人遠海寧

攔江磯上石片片作龍鱗長江流不轉愁殺渡江人

野雪軒夜雨獨坐

楊大鶴九臯武進

青燈桐葉夜山雨到窗時寒聲聽未落風在最高枝

夜酌

顧如華質夫漢川

明月出墻東飛雲落酒中秋思誰解苦細聽剪梧桐

偶感

林鼎復天友長樂

何事獨凄其愁懷誰與語淚逐海雲飛散作黃昏雨

濳溪

朱一是近修海寧

濳溪雖蕭索景物故鄉美春日對春山秋風蕩秋水

卜居

杜鎮子靜南宮

卜居何處好桃源雲外淡莫問漁郎路但隨花片尋

題墨牡丹

張遂辰卿子錢塘

誰將乾墨痕寫出魏家紫天然富貴容一淡尤可喜

嶽路

車萬育與三
御陵

古樹看猿嘯懸崖聽水飛竹輿經到處常帶白雲飛

松江早發

栢古斯民
華亭

為羨鱸魚美松江獨往還楫開潮底日帆影霧中山

重過太子磯

蔣景祁京少
宜興

宮閣臨江水千年帝子祠春波流不盡猶似六朝時

古意

林佳璣衡者
莆田

明月滿帝城樓高鴻鴈行愁心異鄉草霜雪下還生

越臺望月

張台柱砥中
錢塘

今古此明月相看一把杯海天風不斷吹上越王臺

暑夜憩台閣

吳翹列二
吳江

快閣軒楹敞開襟受晚涼月斜松檜影風過芰荷香

山行

徐喈鳳竹逸
宜興

一山復一山匹馬穿雲去時聽落泉聲不知水何處

楓橋步月

歸莊元公
崑山

未見楓江雪先踏楓橋月四望煙濛濛隔溪指林樾

燕市春

陳祚明胤倩
錢塘

長安古狹斜道隘不容車溝水春泥擁愁君白鼻騮

晚晴

王暉丹麓
仁和

雲淨天如洗山青木葉疎遙看溪上白知是月生初

落花

宋犛牧仲
商丘

昨日花簌簌今日日落如掃反怨盛開時不及未開好

白鷗

吳光長庚德清

靜羽冰霜潔高鳴儔侶稀開籠今放汝長向北山飛

信宿山中偶吟

顧豹文季蔚錢塘

前村喧虎跡滅燭還拒戶如何市上人日與虎為伍

吳江詞

余懷澹心蕭田

青青蝴蝶花隨風撲春草情知離別意何用相逢早

拜梅菴

錢光繡聖月郵縣

蒼瘦真堪拜疎花綴苔隙誰言林家梅不及米家石

古調

吳懋謙六益華亭

採蓮涉清江江蓮何婀娜但聞蓮花香不知蓮心苦

荆柯舊居

王嗣槐仲昭仁和

少年不學劍意氣慕荆卿白首誰知己秋風行路情

黃州雨泊

曹鼎望冠五豐潤

濤湧十層雪江飛萬縷煙雨餘山欲暗赤壁夜停船

江行

梁允植承篤真定

去路阻懸崖環看山律翠驀然一徑通舟從石竇出

泉上

王紫綬金章祥符

山後天方雨山前月更晴不知泉夜漲錯認曉鐘聲

落花

吳珂鳴葉淵武進

去歲凋零盡今春綴好顏願隨春暮去仍逐早春還

水口驛觀泉

張養重虞山山陽

澗道夾空山石橋當瀑布水中見落花何處藏春樹

晨起

劉廷傳維中穎州

聽馬竹籬外彈琴花徑裏貧家晨爨無林下拾松子

邯鄲行

曹鑑平掌公嘉善

翩翩遊俠兒驅馬邯鄲道直上古叢臺天風吹白草

大翻山

張琴揮五秦州

異人王次仲能變蒼頡字大鳥已狎舉秦皇檻車至

舟婦詞

邵長蘅子進武進

殘月曉風涼郎睡儂先起拋兒就郎懷天明三十里

茱萸灣

席居中允叔錦州

歌舞龍舟地今來水一灣淡黃堤上柳凋盡舊時顏

宿金筑道院

陸進蓋思餘杭

青燈照殘夜孤客萬峯頭月落松聲靜潺湲聽水流

題陳章侯東籬圖

魏學渠子存嘉善

孤松千尺高盤桓日移晷誰是送酒人黃花照秋水

題畫

董含閩石華亭

白雲從何來蔭此巖下樹古徑無人行山花落如雨

春閨

周在浚雪客祥符

朝起捲珠簾步向花前立可憐葉上露如妾夜來泣

過白石廟

陸世楷孝山平湖

石壁臨流廟荒祠夕照中松杉看不厭鷁首忽趨東

懷姜鐵夫

周箕青上嘉興

昨臥山陰雪今過石埭春梅花官舍裏愁絕詠詩人

真娘墓

吳麀仁趾歙縣

生擅歌舞名歿埋歌舞處春風墓草香蛺蝶飛不去

南陽道中曉發

顧萬祺庶其吳江

策蹇向南陽疎星澹月光一聲殘角曉吹落滿林霜

沙溝驛

宋炘景炎商丘

遠村野水明古驛臨山道落日下平岡天風吹白草

春風

曹鑑章達夫嘉善

花爲春風開亦因春風落開落固有時春風無厚薄

落花

顧彩天石無錫

戶外驚紅雨紛紛墮樹間已憑風送去應惜水流還

大雪江上泥石韞行

趙吉士天羽錢塘

試問門前雪昨宵添幾尺江上少行人煙簑舟一隻

彭城懷古

湯調鼎右君清河

城荒霸氣秋沛水尚東流欲就吳姬飲春消燕子樓

彌鼓史

阮旻錫疇生同安

彌衡鄙阿瞞蟻視一黃祖文心鸚鵡賦英氣漁陽鼓

秋風

鄭日奎次公貴溪

寥落長安客秋風感授衣鄉思如朔鴈一片向南飛

白泉

杜芳丹湖長垣

水從山下流流出青山影沿流到上頭笑倚白雲嶺

春日

趙賓錦帆陽武

長安千里道不住曉鶯啼三月青青草春風送馬蹄

送柯翰周南歸

繆永謀天自秀水

曉上黃金臺遙看故鄉樹同是故鄉人獨憐送君去

題畫

王余高自牧蕭山

大雪滿平原蒼茫一歸騎應與山僧期晚飯林中寺

湖中夕泛

洪昇助思錢塘

山樹一半青湖雲萬重紫須臾煙景開明月在秋水

姑蘇

楊中訥嵩木錢塘

君王非好色賤妾本傾城不見吳宮月蛾眉依舊生

山居

趙昕雍客餘杭

獨有雲藏塢還看澗出花炊煙起溪竹知是野人家

惜花

毛萬齡大千蕭山

惜花翻厭花真把簪鬟却淡坐雨絲亭一任花開落

少年

方象璜雪岷遂安

走馬大堤邊當壚值盛年回頭輕一顧悞墮珊瑚鞭

大梁

練貞吉石林永城

宮殿流泉入城闌夕照來蒼茫無限意憑弔獨徘徊

口號

柴紹炳虎臣仁和

喜逢靈鵲噪怪底饑鳥啼雪後浮雲盡春來芳草齊

攝峰頂

房天駟大生江寧

霞棲不肯飛路仄欲爭鳥置身凌絕頂衆山忽已小

息浪菴

劉梁嵩玉少江都

江自岷峨奔誰許息其怒却撼岳陽城不驚老僧座

三江口

張 陞 登子山陰

江戍分襟帶關梁隱旆旌綠林饒俠客白舫半新兵

摘椒

毛遠公 季蓮蕭山

細葉垂垂刺圓珠顆顆紅摘椒還礙子撲蝶過墻東

易水

陸 雋 升巖錢塘

燕山古時月留照黃金臺壯士不復返易水空悠哉

少年行

姜培穎 宜貽錢塘

走馬白銅鞮揚鞭共鳥飛章臺何處是垂柳傍雙扉

雜興

何之杰 伯興蕭山

晨起蓮花側盤香曲曲長一絲人不繫徒自禮空王

題畫

程可則 周暈南海

春水碧于煙平田綠如織空舟不見人沈寥天一色

襄陽估

周茂源 宿來華亭

峨峨大扁客遠發自襄陽萬里輕風信童年別故鄉

春池

張希良 金山黃安

春池平更綠芳徑落逾紅鴈帶桃花雪魚吹柳絮風

狎浪閣

吳雯清 方漣歙縣

結樓棲樹杪天半發清吹泠泠驚夕瀧應有羣龍戲

墟頭卽事

李以篤 雲田漢陽

秋氣離騷士春風韋曲娘相逢纔一笑小立近壺觴

垂虹亭有感

汪 琬 茗文長洲

暝色連楓樹寒聲起鴈羣故園回首望遙隔太湖雲
謝無文送酒

于澣穎士江都

落葉柴門下君能送酒來非關好明月不敢命樽疊
大庾嶺

王承時象先麻城

結屋嶺頭住雲淡可避塵仙人來採藥閉戶問長生
江村

李漁笠翁金華

我愛江村晚家家釀白雲對門無所見鷄犬白相聞
夜步

吳崇先式武秦州

步月散閒愁偶見鄰家女笑掠鬢邊雲閃入蘆簾去
白雪曲

嚴允肇修人秀水

醉劇王孫宴寒歸處士家隴頭春信至一夜發梅花

邯鄲道中

王岱山長湘潭

學步邯鄲中廿年無識者借問居停翁誰是平原也

盆菊

胡文學卜年鄞縣

辛香聽時珍老韻自獨立與霜為功名一笑顧日及

吳中懷古

吳雯天章蒲州

鐵網沉妃子黃金鑄大夫不須麋鹿恨流蕩滿姑蘇

山寺

張仁熙長人廣濟

春光不自恃澹艷無所屬昨日與花黃今朝隨草綠

孟浩然故居

李鴻青立鄧州

只在寒江外蒼煙不可尋沙村木葉落清磬隔雲林

今別離

金德嘉會公廣濟

挂帆前溪去月滿前溪口風起溪月昏行子空回首

初祖菴古松

柯維楨翰周嘉善

古幹無年歲寧論大十圍却愁風雨夜化作老龍飛

簡友

何金驤御鹿丹徒

共道同心好而我意殊懶濁世有青蠅何人見肝膽

客至

崔華不雕太倉

客來自遠方與雲相低昂入門牽客袂尚有雲芽香

韜光

翁遠業屈子錢塘

我愛韜光頂攜筇入翠微昨宵風雨急獨立看泉飛

題靈義西山讀書圖

宗觀鶴問江都

高下樹重重村塘雲藹藹鳥喧淡柳中人歸淡柳外

少林寺

王鑰大愚孟津

靜聽鳥鳴谷閒看雲出壑山中無人來貝花開且落

歎歌

胡承諾君信景陵

一歎白一髮聲盡頭如絲曉起視江月不同昨夜時

春閨

張謙牧公狄道

對鏡畫蛾眉私心只自知郎行曾有約今日是還期

南眺

郭士璟飲霞江都

山外空雲溼天南白鴈秋紅橋一帶樹約醉幾人舟

憶草堂

熊正笏元獻漢陽

燕熟經年語梅開幾度花市塵風物異寂寞負鄰家

泗亭歌

顧大申震雒華亭

棗落霜前紫梨飄雪後紅三年尊菜冷秋老憶江東

舟行

葉之叡解凡福清

柳外夕陽斜河干罷釣槎數羣鵝鴨在山後有人家

維舟

徐芳仲先南城

一泊本尋常相親情亦半暗裏識鄉聲移篙不用喚

江上

羅世珍以獻漢陽

雨過吳山秀帆來越嶠青江門吹笛罷歸夢滿離亭

白頭吟

顧九錫思澹江都

年與妾相似面與妾同好如此畫中人朱顏得常保

妙香泉

王廷璋德威錢塘

山月向空吐煙光入暮浮名泉何處得竹色灑寒流

題扇頭美人

許玉森仙枝常熟

幽思憑誰語閒調蟋蟀鳴非因秋塞遠乍息搗衣聲

哇哇宕

丁日乾漢公泰州

石澗水無聲高陵人跡少但看苔蘚重自識荒山好

別舊園作

董黃得仲華亭

今朝離別意惟有白雲淡相依不肯散仍在此山岑

對雪

張宰合一信陽

晃蕩搖銀海迷漫種玉田最堪乘興出驢背擁紅氈

蜨

梅庚耦長宣城

避燕掠簷飛蹇花過墻去借問有底忙不肯隨儂住

青石關

倪之煌天章臨清

山行四十里泉聲四十里巍巍青石關高峙萬山裏

秋溪

劉逢源津逮

溪光透籬入悠然萬古心明月隨孤杖秋聲入短琴

夜行揚子橋道中

孫默無言

剪燭坐篷窗一鴈度江嶼春水夜茫茫何處辨村墅

獨坐

鍾嶠山眉

獨坐秋夜長秋蛩啼不歇舉頭不見人但見一窗月

憶友

魏憲惟度

一鴈江南去雲淡鴈不度欲識鴈歸時雲飛蘆白處

桃花灘曉行

趙有成子傲

路險人行少山淡嵐氣多林禽鳴曉月鼓棹泛煙波

山居

董俞蒼水

空林日已暝茅齋月初上前谿幽鹿過簇簇黃葉響

題七峰橫雲山高視亭

徐崧松之

更入幽林裏亭孤徑悄然此來疑世外高視只青天

訪客

濮棕澹軒

隔溪山路盡問字到山家日影斜飛燕春淡亂落花

燕

潘眉元白

飛到江南好江南又落花明年春色裏仔細認儂家

幽居

王撰異公

幽居無一事門外鳥聲多但見林花落不知春幾何

汴渠

許納陞元錫

五百餘萬人開河歿羈旅啾啾風雨夜白骨沙頭語

聞歌

李式玉 東琪錢塘

十曲九不正字字操吳音曲終無別叙含笑解同心

雨

吳晉 介茲上元

攤書清晝過聽雨北窗淡坐愛欄前竹秋聲已滿林

題畫

梅磊 杓司宣城

孤雲高不下鳴泉急欲奔清音振林谷亂石鎖溪門

暮春過徐村訪友

鮑夔生 子韶徽州

讀易門常掩閒堦滿落花客來殊不厭燒竹煮新茶

同毛稚黃泛蘆菴

沈家恒 漢儀錢塘

小艇容人少荒廬落日幽西風吹白雪蕭瑟動高秋

卽事

曹鈞 實及豐潤

有客不敢畱有鷄不敢烹門外誰人語疑聞租吏聲

落星巖下泛舟

吳鏘 聞璋吳江

看荷望巖石把酒泛西泠流水共高山落星與聚星

志感

沈彥章 考叔烏程

霸越西施力亾吳范蠡功一時有勾踐兒女盡英雄

詠古跡

范廷瓚 獻重如臯

纍纍山下墳玉貌化爲土誰慰六朝魂悲風作寒雨

水邊林下

沈珣 邃苞華亭

家在芳葭裏垂楊挂綠溪姓名鄰婦識沽酒割黃鷄

宿當塗縣

史立 弱翁吳江

晚泊當塗縣青山在縣門仙人今已沒愁殺謝家村
洗鉢池泛月

許嗣隆山濤如臯

一星懸落日孤月帶殘霞置酒迎芳夜幽期問水涯
懷古

陳掖臣心簡溧陽

獨上高工望空中似昔年蓼花紅不盡秋水白于天
寒食

陳至言德宣蕭山

昨夜嚴風發今朝寒食天却看春雨後柳帶萬家烟

留雲亭

張文光譙明祥符

朝望白雲起暮望白雲歸淮陰多少樹不礙白雲飛

江上

潘鼎祚介丘上虞

雲壓楚江低回看芳樹迷故人應不遠只在數峰西

題雲水圖

洪周祿半石黃岡

劍氣散瓊華朗然知海曙不隨孤鷺飛時與禪心住

草堂卽事

徐惺子星江寧

當年嚴節度功業亦草草一讀草堂詩蒼涼天欲老

秋思

張三異禹木漢陽

秋水隨潮長芙蓉澹澹開寒雲添寂寞無力到粧臺

戲贈毛客山

徐騰蛟黠菴宜興

咄咄毘陵客不知毛髮斑生兒成楚語怪我類吳蠻

耳菴遊艇

嚴首昇平子華容

開時因月好泊處已山淡曲磻穿巖隙傍人兩岸尋

東湖獨望偶見

龔雲起仲震武進

端午船登屋重陽馬走湖天心難可問老眼總宜糊

花影

鄧林尹虞山太興

解語花含媚幽情帶月開空庭看度影風送暗香來

寄酬王貽上

葉封井叔黃岡

門望垂千載伊人第一流誰能小天下九點指蘇州

覽鏡

曹釗靖遠豐潤

尺蠖不成龍尺水不成浪覽鏡莫沉吟本乏封侯相

湖口道中

蔣庠復天序宜興

橫視大孤大側看小孤高分作江湖柱力廻今古濤

長春寺

樊維師尚父黃岡

香火僧何在牛羊日又昏當時親禮佛獨自楚王孫

田家

汪楫舟次休寧

何處人喧喧田家燈火照今秋稼穡豐月下聞歌笑

過楚漢故壘

彭始奮中郎鄧州

五采氣龍虎三匝風窈冥憑高眺京索疎柳戰場青

回鴈峰

毛會建子霞武進

山到衡陽盡峰廻鴈影稀應憐歸路遠不忍更南飛

落花

顧景文景行無錫

花半不知春花飛轉作茵不如南陌柳猶待別離人

春思

楊楷端木武進

晚晴天氣新索酒欲酬春但有落花處何無昨夜人

見燕

王逢奇紫函漢陽

清言初集
久念營巢苦差池掠水斜祇緣春淡蕩歲歲夢還家

詠史

蔣 柑 甘來長洲

周召共和後龍髻忽化人漫天烽燧下一破笑顏新

解隱

王追騏 雪洲黃岡

棲隱初非易須知解隱難六逸堂前月幽心今古寒

歸來

向維時 有夏江陵

海濱來倦鳥繞樹寄枝棲天放歸鄉落一囊空自攜

寄家書

程化龍 禹門歙縣

胷中千萬語下筆兩三行欲訴征人苦除非到夢鄉

途次

鄭 牲 息園武進

篋驅尋故友問我欲何之欲對言辭拙君心應自知

題丹麓聽松圖

徐林鴻 大文海寧

長松挺千尺天際響九箭借問聽者誰仙人王子喬

昭明臺

丁象輝 原道鄧州

遠派圍城落羣峰當戶開瀟湘春色足獨上昭明臺

初夏過蜀山湖

莊 鉞 子葵武進

蓮葉大于錢田田滿湖面展舒未及時英采何由見

潯關口號

孫錫蕃 紫臣黃岡

江流三千里黃金飛水上萬家烽火餘明月滿空舫

春去

潘永祚 太丘上虞

誰將春色來誰將春色去春色去還來人老顏難駐

曉起

張 睿 令謀華亭

清露溼花茵晴光轉盼新緩行溪樹下嬌鳥不驚人
飲郭涵叔署

李 豁 永城

憶別蘇門地同飲綠酒樽官衙開水次展拜禮高軒

青橋菴弔琴操

林九棘 伯逸

赤壁優游興錢塘脩隱情逃禪入真境湖水澄空明

代人惜別

蔣 瑑 禹書

小艇不論千大艘不論百知是關權苦莫放江南客

山居

劉餘霖 筠庵

山居少人事展齒一聲來但問籬邊菊今朝又幾開

山行

吳應庚 吧瞻

山下多古竹山上多青松四面俱無路一鳥鳴孤峰

太白祠

唐之栢 松文

夜郎遷謫日觴詠此湖濱人已千秋往行歌薦白蘋

感交

朱 治 子長

吳祐牧羊讀能備北海公一朝淡相得定交杵臼中

有憶

蔣金式 武進

離離晨風吹覆彼江上水江雲自卷舒左右忽成雨

夏日登臺吟 二首

譚 籍 鹿柴

薤榛如剔垢解藤如理髮辛勤三日弄僮力那就歇

池畔餘南隴猶幸秣薄收已醞桂花酒細酌過清秋

游興

陳見龍 雲襄

年來事盡更花柳尙關情怕見曾相識吹簫欲變名

客漏

邵錫蔭越森

江聲秋後少此夜漏偏長夢去家何遠誰堪在異鄉

入山

鄭文本純士

采藥三山去日暮不知還道遇荷鋤者神仙只此間

感遇

陳士望友韓

舉世誰相知不如且飲酒尚友古之人古人復何有

飲別

翁介畚武原

此日莫言醉明朝還復來花從杯裏過春送客邊回

沙子湖

蔣 鑰玉淵

載酒瀟湖邊有興復不淺長風拍岸來圓沙不可轉

六言絕附

行旅

梁清標蒼巖

坐久不知漏永起看月澹星低屋下厨人夜語籬邊櫪

馬寒嘶

漫興

毛先舒稚黃

鹿性豈欲遠俗鶴唳何必在天聊以自適所適不知其

然而然

避暑西巖

申涵光鳧盟

到處青山紫蕨有時白羽黃冠戰伐祇今何地是非不

近漁竿

閒居

趙進美韞退

清言不集
踪跡非官非隱田園半郭半村蓬蒿滿徑謝客雨雪經年掩門

示家弟虎男二首

諸九鼎駿男錢塘

鑪火煉成綠雪塵尾折得青松白首臥柴桑里赤脚上衡嶽峰

西陵橋西漁父北高峰北山僧此輩時喜為伍他人僕病未能

山寺

林備草臣福清

秋殘幾行鴈影夜靜一龕禪燈細聽疎鐘何處白雲山外孤僧

題畫

駱復旦叔夜義烏

渡口幾家茅屋山中一抹青帘誰權扁舟來往多應乞食陶潛

雜感二首

宋琬荔裳萊陽

見說蒲梢天馬籥雲汗血何稀不是龍媒已盡今之相者舉肥

仕農畢竟誰優兩者徘徊未果今之從政殆而惟有蚓而後可

雜題二首

蔣遵路路然無錫

殿上戚姬楚舞帳中虞姬和歌老劉少項將歿後先美人奈何

請臣乃至請宴嘗膽不嫌嘗糞夫差能自引決堪對地

下伍員

秋日

梁允植治渭真定

不暖不寒節候無風無雨晨光小苑芙蓉纔放疎闌一片秋香

戎署雜詠二首

朱爾邁人遠海寧

纍石低扶鴨蹠畱賓雜進鷄蹤嬾性遊方之外浮雲樂在其中

碧香車
鷄柵為花時補藥闌畏日常遮閒臥烏皮文几不通油

村居

張綱孫祖望錢塘

隱几青山戶外垂綸綠水溪前漁家渡口春樹樵徑疎

林暮煙

閒齊

趙潛雙白漳浦

地僻冥心息慮人幽問柳追松簾前雨色朝嶂閣外風聲暮春

山居

王暉丹麓仁和

雨後茗茶將展春淡蕨笋初肥門前有客相訪溪上垂綸未歸

江村即事

董俞蒼水華亭

花潭野鶴獨去竹嶼疎螢亂飛細雨黃昏人靜孤燈遠寺僧歸

江行

紅葉橋邊橫笛白雲寺裏疎鐘故國月明何處情人江上相逢

山居

朱文心如龍

天籟非關羣竹園林片片春聲柳外提壺勸酒花間布穀催耕

同旅

王承時象先

長安此日故人瀟瀟風雨斷魂鳳兮鳳兮楚客芳草芳草王孫

題畫

一首

來集之元成

躑躅一花兩色倉庚異舌同聲春光處處可惜不論山亭水亭

春臥雲多于屋秋行葉勝于花臘底釀泉為酒伏中敲火烹茶

秋村即景

邵長蘅子湘

新釀小槽初滴重陽溪蟹爭肥籬下黃花獨醉門前紅葉客稀

雜感

丁煒澹汝

名重青錢競選才疎白髮為郎守雌守雄孰是呼牛呼馬無妨

閒園即事

周廷鑑元立

隔水花開不見鄰園荔熟先嘗最愛哥罍盤子裝來佛果仙香

西湖春日

姜培穎 賈賒 錢塘

滿目一尊芳草長隄兩岸垂楊鳥銜落花妙舞人醉墮馬輕裝

題霞舉堂

諸匡鼎 虎男 錢塘

主人何異王粲芳園定勝辟疆我愛山雲入座客來風雨聯牀

過硯廬

蔣漢紀 波澄 會稽

倚郭竹林一帶臨池茅屋數椽興到畫宗摩詰狂來字學張顛

山居 二首

柴紹炳 波澄 會稽

迥爾北山之北冷然南澗之南夏月鳴琴片石春風斗

酒雙柑

無恙寒風暑雨長時晚食高眠不用庚申忌日何須甲子題年

戲贈

熊正笏 元獻 漢陽

汝賣酒為活計我將詩作生涯舊曲好憑綠綺新辭誰障紅紗

落花村

許延劬 仲將 武康

一灣煙樹人家認得村名落花遷客往來頻數不知幾度春華

題畫 二首

王岱 山長 湘潭

山峰積翠幾許村市人煙數重宿霧日高不散白雲洞

壑常封

別墅傍山臨水天時春末初秋朝爽明窗塵柄斜陽江上扁舟

村居二首

黃京初子武進

門外秫田數畝樓前桑柘成陰春雨雷生竹笋秋風霜老松鍼

喜見漁舟曬網閒看稚子敲鍼半榻清風獨坐長廊皓月高吟

風

金德嘉會公黃梅

漢帝歌思猛士襄王賦起詞臣悠然松菊間趣自謂羲皇上人

清詩初集卷之十二

武進蔣 鐘玉淵 選

錢塘翁介 魯武原 選

四會李 恕相如 武進龔雲起 仲震

山陰姜 垚汝臯 宜興史惟圓 雲函 定

七言絕

剪花

顧景星赤方蕪州

早蜂趁暖咬花叢剪得花枝帶早蜂蜂子不知花在手逐人飛過小墻東

秋閨卽事

烏蠻新樣撲雛鴉竹檻涼生潑乳茶漫道秋來芳事歇

十分春在海棠花

滕王閣一絕句

是日遣家訊歸吳

龔鼎孳

孝升合肥

蛺蝶雲連茂苑垂鷓鴣聲斷驛書遲旅愁鄉夢俱零亂
坐欠滕王閣上詩

望夫山口號

西陵風雪黯朱顏花繞高樓客未還憑仗嶺鴻淡寄語
春帆已過望夫山

塞上作

楊思聖

猶龍鉅鹿

萬點蒼山雉堞齊鴈門關外草萋萋獨憐李牧還祠廟
零落殘鐘臥澗溪

午夜庭中月白如晝

楊士元

恂庵上元

孤攜謝朓立庭空白氎青衫半臂紅太息妙高峰頂月
無人更唱大江東

北固山

宋

權

雨恭商丘

地迴真看千嶂合天成不待五丁開東南民力今堪念
鷓尾相銜一帶來

題人野亭

申涵光

鳧盟永年

溪上孤亭草樹幽月明常醉木蘭舟門前處處秋瓜滿
猶恐人疑是故侯

燕京卽事

山前兔急鴈飛號黑霧黃塵落毳袍獵罷歸來催夜飲
江南少婦解弓刀

白溝河

王鐸覺斯孟津

古木蕭蕭野岸空
多年血戰起陰風
公然一派西山水
流到沙場便不同

老兵

三十年前紫塞垣
眉長鬚短眼珠昏
淚垂只說功名誤
怕教兒孫過鴈門

少年遊二首

吳騏日千華亭

下馬同傾酒一樽
侍兒七首擘蒸飴
生平不着黃金甲
醉袒貂裘數箭痕

紅玉鞍嬌碧玉驄
樂遊原上柳絲風
詔求季布今何處
只在三千奴僕中

憶夢

王崇簡敬哉宛平

凍雲疎木晚窗晴
嘈雜栖檐亂鵲鳴
昨夜狹斜年少夢
雪中下馬索彈箏

包將軍輓歌

邢昉孟貞高淳

將軍仗劍出吳關
大羽飄零戰血般
歿後鐵衣人拾得
年年秋祭皖公山

題徽宗畫鷹

戴明說道默滄州

雪後天高雙羽輕
金睛斜瞬暮雲平
誰知良嶽山頭燕
風雨年年罵蔡京

題李五絃少司馬陳姬遺像

菡萏餘香鸚鵡身
瓊簫聲落鏡中春
何年畱得霓裳曲

痛殺開元未死人

田園

惲于邁

含萬武進

鋤瓜打麥半成閒
村社中間有往還
頭白不曾離隴畝

金壇逢水榭
故妓感歎而作二首

錢謙益 牧齋常熟

黃閣青樓盡可哀
啼粧墮髻尚低徊
莫欺鳥爪麻姑老
曾見滄桑前度來

剩水殘山花信稀
瑣窗鸚鵡舊籠非
儂家十二珠簾外
可有尋常燕子飛

長橋月下聽吳人鬪曲

劉梁嵩 次山江都

金角吹殘鴈北飛
渡頭楊柳映橋稀
開元白髮人何在

聲徹江南淚滿衣

少年行

梁清標 玉立真定

年少揮鞭控紫騮
自言家住古幽州
擣蒲一擲黃金盡
笑擁胡姬上酒樓

古意

邊城戍卒枕琯戈
草白沙黃獵騎多
報道將軍行塞外
層冰夜渡黑羊河

京邸卽席贈蔣馭鹿

閻爾梅 用卿沛縣

鐵嶺金臺夢一場
朱門碧草兩茫茫
東風吹散梁園客
獨有枚臯哭孝王

凱歌

馮溥 易齋益都

閣臣奉命入長安緩帶輕裘意自寬談笑功成一戰後
頓回瀚海作平瀾

茅山紅葉

蔣超虎臣金壇

老樹燒雲焰四垂絳綃紅纈綴枯枝誰知金紫橫身日
正是鐘鳴漏盡時

姚江夜泊

王光承玠右上海

數聲鼓角動江流遷客蕭蕭起暮愁舊日圖書都散盡
千羣鐵角一孤舟

曹大叅舟中咏盆梅

林古度茂之福清

數枝無意自欹斜影入清江映白沙最愛夕陽船泊處
欲教寒色倚蘆花

午日辭泛舟之約

周廷鑑元立晉江

車笠如煙舸似鱗連天笳鼓沸江濤君看錦纜仙舟客
可是湘波弔屈人

雨後聞鶯

魏裔介崑石栢鄉

雨歇花香草倍青如簧巧囀入林坳此聲原不同綠竹
惟許幽人陌上聽

遊焦山

孫枝蔚豹人三原

風起中流浪打船秦人失色海雲邊也知賦命原窮薄
尚欲西歸太華眠

釀泉

許承欽漱雪漢陽

立馬聽泉日已斜泉聲字字咽梅花春寒不管遊人醉

流到城南賣酒家

江望

呂潛半隱遂寧

橫江閣外數帆檣立盡西風鬢欲霜只有鄉心不東去
早隨煙月上瞿塘

咏鷹

李雯舒章華亭

天子長揚獵未回奇毛初試海東材秋風萬里黃雲薄
目盡平原不下來

板橋

胥遇怡庵鹽亭

兩岸人家傍柳條元暉遺跡自蕭蕭曾為一夜青山客
未得無情過板橋

為程倉部可則題畫

朱彝尊錫鬯秀水

年來新卜竹垞居對此雲峰愧不如忽憶君家珠海曲
水棉花下滿牀書

過方干故居

張養重虞山山陽

君相憐才事最新至今詞客尚沾巾生前若竟邀圭組
不過尋常仕宦人

秋日再過舊李戚畹海洵園林

杜立德純一寶坻

清歌堆罽坐晴莎極目荷蒲漾綠波無限長亭今莫辨
西風曾向故人過

同人栢臺茅屋成

周亮工元亮祥符

遊仙未必此中間百念難刪竟自刪亦有白雲時去住
不知何處是深山

御溝橋櫻桃

長安俠少舊金吾立馬牆頭自彈烏無數銀丸都發盡
隔林亂打紫珊瑚

題僧壁

紀映鍾伯紫江寧

萬事都無老衲閒松窗日見鳥飛還鄰僧只在煙鐘外
拄杖高懸懶過山

清明

王熙胥庭宛平

疎籬茅屋兩三家老樹蕭條噪晚鴉村徑無人春草綠
東風吹綻野桃花

題畫

熊文舉雪堂新建

大漠煙雲侵幌冷小樓風雨報春深章門綠浪千層闊

不及離人一寸心

元夕燈詞二首

陳祚明胤倩仁和

禁城魚鑰鎖重阿皓月明燈映碧波聞說前朝歌舞地
五侯車騎翠樓多

楚語吳歌朱邸長六街燈火夜蒼蒼相逢半是他鄉客
若箇猶能憶故鄉

吳門聞杜鵑有感

薛案諧孟武進

當年淑氣瑣窗間病骨驚隨蜀帝還今日天津在吳苑
曉風啼斷月中山

鄧尉探梅

程邑翼蒼上元

村村香雪野人家日影銜山月影斜白鶴夜來招不返

清言初集
一天寒月伴梅花

偶興

施閏章

尚白宣城

西江正月早芳菲開盡桃花滿路飛
可恠春光似孤客
一心日夜只思歸

綠雪

自製敬亭茶名

敬亭雀舌枉爭傳
手製從過穀雨天
酌向素瓷渾不辨
乍疑花氣撲山泉

對雨

李

壽坦園高陽

晦雨沉雲晝未開
空庭寂歷鎖青苔
門前平日原無客
不問今朝幾箇來

題借書圖

魏象樞

環溪蔚州

少年有志帷常下
縹囊細帙真盈架
而今欲讀未見書
人間無有從何借

再客戲柬鈍人

杜

濬

于皇黃岡

再客淮南事益非
長河冰凍阻南歸
一窗寒日營何事
老眼穿針補破衣

報國寺海棠

田逢吉

沛蒼高平

昌州香國漫婆娑
花下曾經一醉過
昨夜五更風又起
數枝殘蕊竟如何

渡河

吳偉業

梅村太倉

黃河岸上起悲風
夜半清霜下碧空
秋鴈自南人自北
一時來往月明中

贈楚雲

白蘋江上送橫波擬唱湘山楚水歌却為襄王催按曲
故低紈扇簇雙蛾

少年行

陳廷會

際叔錢塘

紫馬駢弓貂錦裘長征曾歷海西頭論功不數嫖姚尉
賜爵先封關內侯

洗象口號

李天馥

湘北永城

寶馬鈿車看象牙浴餘吹浪怯銀沙飛泥着袖紅如雨
絕勝新粧水墨花

送鐵竹鍊師歸穹窿山

一夕天空落步虛歌鐘到處奉樓居憑將八韻黃庭字

換取千言綠籀書

洛水懷古

葉封

井叔黃岡

託怨靈妃賦感甄多情玉枕暗傷神莫嫌泣豆相煎急
早與君王作路人

白秋海棠

吳學炯

星若南城

水漾花魂上絳紗幾枝雪色夕陽斜憐他弱態三分白
不減孤山處士家

寓堂後桃花

王士祿

子底新城

寓堂墻北一花開倚杖看花日幾回忽憶故山春澗上
風光寥落野人杯

無題

夢魂昨夜到窗前門巷烏啼月似煙
髮鬢玉奴香閣裏燈昏香燼未成眠

秋夜聽潘生歌

陸圻麗京錢塘

樽前歌罷總銷魂把酒空沾涕
淚痕纔向人間聞禁曲秋風先到故侯門

揚州雜詩

汪琬茗文長州

艷骨香魂怨月明荒斜空有玉鈎名
春風吹徧青青草而到雷塘不斷生

聽白三琵琶

鄧漢儀孝威南陽

白狼山下白三郎酒後偏能說
戰場颯颯悲風飄瓦礫人間何處不昆陽

蔣花值雨贈賣花郎

為軍士辭伍者

杜濂子濂濱州

思歸焚却敝征衣西子湖頭舊釣磯
冒雨栽花良不惡去年今日正重圍

歲暮懷文友在武林

陳維崧其年宜興

越女如花倚玉牀金樽美酒兌餘杭
相逢歡飲且須飲未到白頭休斷腸

賈客詞

龍頭鱗子疾如梭灩澦灘邊一夜過
白玉作檣牙作櫓櫓邊檣上月明多

憶桃源

張縉彥坦公新鄉

薜蘿淡處古雲遮鬼窟仙桃不見花
獨怪秦人藏未穩

清言不集
猶畱一徑引漁槎

隋苑

宗

觀鶴問江都

隋苑爭如西苑花錦帆天子便為家當時若渡江南去
綠水青山未有涯

聽小伶簫笛

趙進美

韞退益都

海上春來正合圍寒陰黯黯雪霏霏樽前莫遣吹長笛
未放城頭戍卒歸

題漁山畫竹

為自豫上人

許之漸

儀吉武進

看竹何如食肉強暫參玉版飽饑倉上人已現清癯相
苦筍撐腸二十霜

病菊

毛先舒

稚黃錢塘

一枝憔悴不勝寒轉覺霜風撲面酸誰道西施非國色
捧心時候少人看

擬古宮詞

李贊元

匡侯龍溪

中官宣召按新箏玉指輕彈離恨聲却被東風吹散去
君王乍聽未分明

斲僧餽笋

徐

惺

子星江寧

錦棚初脫玉嬰兒雉尾龍孫總未遲畱取他年鸞鳳食
休教江上笛空吹

憶鶴

聞說千年始化胎如今子和在荒臺羽衣若念元相識
飛向黃樓夜月來

咏紅菱

高詠阮懷宣城

頭角初成出水濱玉盤堆處出鮮新弓腰鬪殺橫腰女
紫色羅襦穩稱身

製硯

曹溶監躬嘉興

依棲志本薄封侯寸鐵磨穿老布裘似許瓦全三徑節
美人相贈峽江秋

螢

張叔珽方客漢陽

螢光原自照微身斷續何曾照得真車應當年寧為讀
愛他腐化勝愚人

春遊

沈謙去矜仁和

流水桃花莫問春西城狹路起紅塵金釵但有當鑪子

白酒三盃醉殺人

紀夢

楊素蘊筠涓宜君

相思一夜付鳴鷄絮語幽情夢裏迷忽漫驚回風肅肅
半輪殘月挂天西

宿山家

龔賢半千崑山

托宿山家秋月明主人攜酒榻前傾月斜酒盡主人去
一夜惟聞秋水聲

龍標城

李念慈毗瞻涇陽

藉甚才名遇每奇龍標仙尉五溪湄滿朝莫肯畱遷客
猶有蠻人跪乞詩

荊州懷古

沙市今為禁旅營章臺無路野田平美人不及江邊草
踏作春泥却更生

澄飲子

楊大鯤陶雲武進

玉闌星影夜冥冥攜得香篆注玉瓶珍重青絲垂碧井
莫將紈扇打流螢

春雨

范驤文白海寧

江籬半綠越王浦海月初生伍負潮借得鄰翁半畝地
學驅黃犢種春苗

廣州雜興

徐乾學原一崑山

分明隋苑玉鈎斜零落金鈿惜內家欲問離宮何處是
年年長發素馨花

夜為蟲聲所聒口號

宋琬玉叔萊陽

重垣淡鎖夜漫漫人似鷄栖夢欲闌無奈啼聲穿四壁
秋蟲全不畏秋官

雨過桐江

錢肅潤季霖無錫

釣臺寂寂水猶寒豈有人來重繫竿富渚半鈎崖月細
桐江一片野雲寬

憶江南十七夜作

鄧廷羅偶樵江寧

桃葉渡頭春水生百花巷口麗人行斷腸最是垂楊柳
無限依依送客情

觀獵

程可則周量南海

鷹眼真宜宿草枯平沙雪後走韓盧健兒躍馬穿林去

清言初集
無數歸鞍帶狄鼯

月下聞箏

清歌本是秦樓曲急調遙憐趙女彈一十三絃何處盡
月明秋色滿闌干

蜀中

周體觀伯衡 遵化

武侯相業謳吟遠杜老詩名霄漢懸縱使陣圖今寂寞
草堂依舊浣溪邊

半山

王嗣槐仲昭 仁和

女兒家住半山頭日對門前溪流忽見桃花溪口落
無心更上半山樓

題黃氏畱春圖

龔雲起仲震 武進

若箇桃源路不孤傳來一幅富春圖堂邊試問羊裘客
釣得星河影動無

送楊鄂州使交趾

張玉裁禮存 丹徒

龍函光射海雲黃弩矢歡迎使者裝解道天威真咫尺
鯨波不撼富良江

為蒨來題琴心畫蘭扇

何采敬輿 桐城

每嫌粉本不相宜自照菱花自畫眉回盼忽驚歡在側
憑肩添得竝頭枝

秋日遊碧浪湖

余懷澹心 莆田

四圍山色鎖寒煙歌舞隨身絕可憐雪似茗花雲似錦
蓬窗推入白鷗天

徐文長故里

方象瑛 渭仁遂安

東南戰績首中丞幕府才人氣自矜白鹿表成天子羨
誰言詩酒畢青藤

望華不注

吳剛思 德乾武進

天削孤峰鐵作顏嶙峋傲骨絕躋攀羞稱泰岱兒孫列
獨立千秋不署山

邊詞

曾異撰 弗人晉江

積裏齒肥春有草霜中血歿夜無燐踏破乾顱微礙馬
聽殘鬼語不驚人

語谿

孫適 太貞錢塘

烏喙君王困水犀孤舟再度語兒谿夜淡腸斷嬌娃語

半帶姑蘇半會稽

觀劇作

冒襄 辟疆如臯

最無消息是清音竹裏喧闐未易尋唱到情來生意思
一絲裊裊碧雲心

鄧玉書新婚

嚴沆 子餐餘杭

為約朝雲下碧虛徐家與妹有傳書新縑舊素知何似
織就鴛鴦總不如

涼州詞

鄒祇謨 詩士武進

玉門九月陣雲高出塞腰懸大宛刀敕遣羽林三十萬
拜恩齊醉紫葡萄

西山

孟亮揆 端士長洲

勝朝陵寢枕西山松栢森森夕照間一夜悲風嘶石馬
樵歌人向墓門還

中秋武丘

董文驥武進

金波玉臂冷嬋娟為聽吳歛誤拂絃曾坐池邊問遺事
笑他淡葬劍三千

春怨

吳百朋錦雲

楊柳毵毵拂紫驕曉粧明鏡不勝愁珠簾盡日垂銀蒜
春色何心入畫樓

和阮亭索耦長畫

陸嘉淑永修

乞寫青山夢遠遊濟南詩句宛陵秋都官風雅今誰屬
不謂猶稱白雪樓

復衷衍兄索荷花

蔣永修紀友

君家講席雨花香昨夜淋漓徧野塘却愛泥中能獨立
不辭折節到君旁

流螢

丁煒澹汝

雨過西齋秋氣清疎螢掩映度簷楹可憐夜夜閨中婦
一點幽心照不明

龍廟甘泉

沈虬次雪

清泉隱隱帶蘆汀野渡初遙徹底清幸得遊人來汲少
只因名落品泉經

山中懷友

笪重光在辛

空林蕭颯樹蒼蒼夜月栖鳥叫嶺霜莫訝相思無一字



应为又 P16

寒潮原不過潯陽

黃梁店題壁

胡介錢塘

黃梁店口日暉暉白馬祠前客未歸鐵笛長空人不見
太行西去鴈南飛

卽席賦贈

葉方恒崑山

清歌一曲過梁塵粒粒香含苴蔻春笑語當筵紅粉客
惜花還是白頭人

曉角

魏憲惟度

年少從軍萬里征秋風容易起邊城五更夢裏關山路
畫角無端又一聲

客鐵嶺苦雨

張恂稚恭

新浴

宋存標子建

穀紋輕散紫霞光翠蓋陰濃捲霧香遙憶若耶溪水上
香殘膩粉浴鴛鴦

經上蔡

彭而述子錢

秋淡亭午日炎炎槐影婆娑挂酒帘少婦黃頭門半掩
南家借取北家鹽

送友

黃始靜御

日夕論交肝膽生畱君不住送君行如何一樣西窗雨
不唱巴山唱渭城

金山

郭士環飲霞

江流落日萬峰齊醉後閒看鳥欲棲無限白雲飛不去

一天秋色小亭西

茉莉將開

李楷叔則涇陽

冰麝旃檀未是奇如君脫盡眾香姿七分風月三分露
愛殺嫦娥欲嫁時

錦塘步月

王揆端士太倉

錦塘人影漾波光綠葉紅花對鏡粧不信炎風三伏裏
千山夜半白如霜

銷夏灣

歸莊元恭崑山

湖浸青山山抱湖霜林如繡滿丘隅不須追羨吳王樂
臥看煙江疊嶂圖

楚宮

嚴允肇修人秀水

鴨綠江寒湘水遙章華臺鎖百花嬌酒酣燭至冠纓絕
莫道君王重細腰

十二鳴鶴亭詠鶴

郝浴雪海定州

銀灣斜掠三千界霜氣高含十二樓五曲雷塘添月色
萬年甘露洗丹頭

旗亭詠高適王昌齡王渙之事

馮雲驤訥生代

落魄旗亭貰酒時梨園幾曲奏新詞可憐一世無知己
獨有優伶解詠詩

送人從軍

嚴正矩紫菴孝感

白玉裘懸金錯刀長驅駿馬下臨洮君王早畫麒麟閣
待爾功成賜錦袍

山農歸梅原却寄

濮 棕 澹軒 桐鄉

宿雨初收半夕陽
華原十里凍梅香
遙知昨夜君歸去
一路春風過草堂

汴梁詠古

黃輿堅 庭表 太倉

敖倉天險據山椒
轉粟關中餉易饒
莫怪馬遷畱信史
但將蕭相比闕天

白甚

金憲孫 邵度 光縣

點漆塗朱意未濃
獨憐光比玉芙蓉
東風促嫁紅顏早
帝女冰車待六龍

周元倩送酒

李 恕 相如 四會

金谷山前落酒星
白衣門外見雙餅
從教醉殺陶元亮

不共靈均話獨醒

席上

汪文楨 周上 休寧

玉簫金管聲嘈嘈
樺燭三條月已高
不是夜深貪不睡
悞人却為鄭櫻桃

容園夜集

歸允肅 孝儀 常熟

歌翻白苧按梁州
細雨林臯暑氣收
對酒莫辭良夜醉
蘭亭觴詠最風流

漢栢

王紫綬 金章 祥符

三樹中天倚翠微
霜皮寧論幾人圍
徘徊欲問東風事
落日殘霞帶鴈飛

悼環姬

祭鼓風淒響葛衣紙錢山雨鴈銜歸恨前黃葉紛如此
明歲春風何處飛

聽隔院絃索

桑牙楚執江都

夕陽西度晚風涼一曲琵琶隔短墻漫擬崑崙誇第一
段師神調有楓香

真州道中

王攄虹友太倉

浪隱輕雷水氣昏江天南北共銷魂推篷却望江南岸
一路青山到白門

重經華陰望太華

曾畹庭聞寧夏

落鴈峰前鴈未回離人十載一歸來神仙玉女俱消歇
絕頂蓮花開不開

酬王西樵

顧有孝茂倫吳江

柳煙花霧晚春天同上朱樓看月圓無限六朝佳麗地
動人詩思泥人憐

漫贈

侯方域朝宗商丘

轉憶開元黃四娘依稀爲說舊平康樓臺寂寞笙歌歇
惟有溪花撲面香

寓宋

胡貞開循蜚仁和

古樹槎枒壓草龕亂風吹雪舞鬚鬚竹林瓦枕無餘事
醉寫梅花千尺潭

平山春望

黃周星九煙江寧

春風萬里客登臺平楚蒼然霽色開百雉似連孤塔湧

羣峰欲渡大江來

白雲洞

張文光 謙明

振衣千仞出囂塵便是桃花洞裏身若道洞中能避世
白雲早已避遊人

流螢

徐 緘伯

井榦新螢數點流美人腰細不禁秋水晶簾外梧桐月
幾度黃昏便白頭

重過芳樹齋

美人羅袖晚相邀屈戌屏風紫玉簫一曲清歌千斛酒
至今濃醉未曾消

過穆陵關

薛所蘊 行屋

匹馬蕭蕭西去遲亂山重疊草離披穆陵關外春難到
况是秋風葉落時

南陽柳陌

楊雍正 自西

數里垂楊遶大堤清陰幾處鷓鴣啼年年折盡初離別
不斷寒煙綠滿溪

長松瀑布圖

孫在豐 此瞻

潺湲泉水出重巒有客尋幽問竹關峰頂忽看雲起處
定為霖雨遍人間

讀書夜靜聞鐘聲

許 友

石樓隱向白雲封知在岩堯第幾重殘夜讀書人未臥
萬山明月一聲鐘

慈仁寺看海棠

曹爾堪子顧嘉善

誰種繁花兩樹妍
問僧頭白不知年
何須燒燭防春睡
紅靨從來近日邊

鸚鵡洲

董以寧文友武進

欲把椒漿弔禰衡
江中芳草一洲橫
漁陽悲憤應難盡
日夜風濤作鼓聲

偶感

高兆雲客侯官

梔子窗前對畫船
毵毵楊柳正垂煙
高樓佇日渾無語
爭柰情淡初利天

獅子巖

葉榮澹生祁門

偶來巖下聽松風
汲水高梯半倚空
野衲托踪雲影外

小童吹火石光中

觀采蓮

柯聳素培嘉善

太液池分碧澗開
榜人何事弄波來
恐驚舟畔羅裙女
棹入淡溪不肯回

半野園

趙賓錦帆陽武

竹碧欄丹鳥亂呼
雕闌曲徑野雲鋪
門關盡日無人到
煙雨空濛臥畫圖

咏蜜色鷄冠贈龔鍊師

師係武弁入道

吳翮羽三吳江

簇簇爭誇上苑紅
亭亭別有道家風
子安遠跨晴川鶴
絳幘羣中迥不同

遊蜀岡

董道權吳子鄞縣

清言初集
煬帝行宮付草萊茅郎遺廟蜀岡開當時錦纜隨天子
不若從郎射虎回

試茶南峰下

張遂辰卿子錢塘

家家籬竹雨新晴隨步茶香石澗聲記取南山春莫負
李花白遍是清明

麻姑進酒圖

楊兆魯泗生武進

峰頂懸濤百丈高丹霞孤聳奏雲璈飄飄仙子今何處
賸有清泉勝濁醪

飲酒放歌

謝良琦仲韓全

黃金漫賦結交行馬上相逢問姓名待上太行最高處
與君樽酒話平生

閨怨

法若真黃石膠州

清明寒食柳絲絲正是淡閨腸斷時
却羞薄淚溼胭脂
自見春陰針透紙

掃葉

趙島浪仙南昌

踏殘幽境了無埃面面秋陰掃不開白石正寒人散後
青苔有鶴獨歸來

官柳

黃永雲孫武進

日暖東風放櫂遲
誰許臨岐贈折枝
毳毳官柳綠垂絲道旁縱有將離客

秦淮

黃虞稷俞部晉江

濃垂雙髻似吳娃衫樣新裁杏子紗本是教坊親養女

却言身出故侯家

觀妓

林微材魯生連江

點玉明金相映暉斜紅淺黛六銖衣桃花扇底聲初度樓外青雲淡不飛

過汧陽

翁世庸用公錢塘

朝來躍馬過汧陽澗水環流玉帶長百里童山空霽色彈丸睥睨鎖枯楊

贈蔣馭鹿

諸九鼎駿男錢塘

碧桃花放凍雲飛日暮寒生鶴氅衣宴罷梁園方授簡西山春雪恰霏霏

王孫行

毛遠公季蓮蕭山

獵馬平原草色凋西山雪白朔風高何處王孫年最少紅靴皂帽紫綸袍

晤杜于皇

王追騏雪州黃岡

隋隄佳勝竟誰傳春月秋花盡可憐兩度邗溝尋樂事一年一見杜樊川

葵邸獨坐

李淦若金典化

客心傷盡總難言獨上高樓望故園多少雲山春樹隔不須淡夜有啼猿

秋興

郭礎石公江都

峰峰秋色送晴嵐幾寺閒僧懶似蠶只有荻蘆堪寂寞六朝花草誤江南

遼后樓

王無忝

爾迪 孟津

粧臺複道五雲旁
遼后樓飛金鳳凰
一自翠華辭帝闕
土人拾得舊明璫

尋真娘墓不得

魏學渠

子存 嘉善

樓外青山碧草曛
美人何處怨行雲
向夕吹簫車馬散
月明髣髴溼羅裙

崖上桃花

曹亮武

渭公 宜興

愛殺桃花映碧苔
烏銜點點逐人來
故園一樹嬌如此
知向東風開未開

簡王考功

李震生

慎菴 江陵

美人相望在雲端
望裏朱門積雪寒
皎鶴一聲天似水

何人不作鏡中看

虞姬墓

沈家恒

漢儀 錢塘

日落黃雲護戰沙
可憐七首醉名花
祇今塚上青青草
搖曳西湖咽暮笳

同友人載酒登易州城樓

丁耀亢

野鶴 諸城

城上孤臺載酒尋
朔雲邊日影沉沉
晚來欲結西山雪
宿霧連天大漠陰

雨中寄黃榆山

朱載震

悔人 潛江

稠雲覆野雨霏霏
萬慮踟躕倚短檐
空喚長鑱悲杜甫
漫將乞食擬陶潛

南陽諸葛廬

文果

園公 長洲

清言不集
崇岡抱膝臥溪煙
滅操存權亦偶然
淚滿秋風五原夜
舊山歸去是何年

贈友

卓人臯有枚
武康

酒滿金卮月滿庭
杯行閒說步天經
欖槍不到揚州域
為避東南有歲星

偶見

蔣詔
憲臣
武進

新樣盤雲簇錦粧
畫船爭載過橫塘
斷橋落日催歸騎
笑折荷花馬上香

夏日水關泛舟

王穆
子下
淄川

香車雨後破莓苔
盤髻長衫窄窄裁
鳧鷖驚飛蓮葉動
侯家女伴盪舟來

旅夜聞笛

毛萬齡大千
蕭山

何處月明人倚樓
一聲山笛弄清秋
無端搖落天涯裏
忽憶深閨千里愁

春郊獵騎

薛信辰侯執
無錫

索火先合一縷煙
綠楊暫憩錦花韉
羶毬坐酌葡萄酒
手割分嘗炙兔肩

別意

黃若庸仲丹
蘭縣

新柳籠煙遶禁城
尊前分袂畏鶯聲
自憐不及芳洲草
步步隨君馬首生

玉蘭

牛魚
潛子
長治

素質天然倚太清
千枝堆雪眼增明
澹粧號國初呈面

歸璧相如不換城

催粧詩為仲勇賦

林鼎復天友長樂

華堂宵發紫鸞聲爭看仙郎罨畫清環珮珊珊遲洛浦
梅花枝上語雙鶯

題小河山驛樓

方孝標樓岡桐城

邊風四月肌生粟落日孤城望欲迷莫問故鄉雲近遠
長安已隔萬山西

寄懷條侯與公

喻非指南昌

元禮高標不可倫隱之風度豈常貧幽州白日塵千里
欲寄梅花已暮春

過平原君墓

葉映樞蒼巖上海

但博賢豪公子名不聞覽者似侯嬴他年王翦攻圍急
可是佳人一笑傾

廣陵

李良年武曾嘉興

垂垂堤柳碧堪攀故拂妝樓映玉鬟客裏不知春幾日
江南江北鴈飛還

美人謠

嚴繩孫蓀友無錫

誰將樂府唱弘農驚起淡閨怨守宮最是江南秋色裏
一時花信嫁東風

登從姑山望麻姑舊壇

黎士弘媿會長江

要從雨後始登山浙浙能添石路寒望去秋雲垂四野
一峰晴處是仙壇

新秋

梁允植承篤真定

偏宜秋色是貧家四壁蕭蕭落照斜睡久不知茶竈冷
開窗紅遍藥欄花

于忠肅祠

龍光二為望江

先生為國竟忘身自是宸聰蔽佞臣向使奪門留舊弼
空山誰復拜麒麟

秦淮偶見

黃九河天濤秦州

翠柳千條護綺樓日含花影見梳頭侍兒似解芣人意
一霎珠簾下玉鈎

送歌師徐順

季振空滄葦秦興

會上君家水上樓君今歸去又殘秋休言及見開元盛

白盡江南弟子頭

訪友不遇

王鏞子陶孟津

雙谿小徑曲闌斜三月尋人不在家夜靜更淡風送月
亭前吹落刺桐花

憶金陵

最憶西風長板橋笛牀禪閣雨蕭蕭只今畫裏猶知處
一抹寒煙似六朝

青樓曲

細雨春風花落時金華臘酒解醪醲當壚少婦知畱客
不動朱唇動翠眉

閒情

柴紹炳虎臣仁和

二月天涯芳草齊紅樓簾捲雨淒淒坐來偏恨風無定
花向東飄柳向西

戲代友人贈內

董黃得仲青浦

溫家玉鏡架珊瑚含笑相看似老奴試問簾前桃李色
何如山上采蘼蕪

臥雪

周茂源宿來華亭

滿城風雪小樓寒索取新詩擁被看門外馬嘶知客過
誰人載酒問袁安

惜春

袁元北海天長

一春風雨妒花枝愁病因仍負夙期滿地落紅飛燕子
隔簾人唱鷓鴣詞

題畫

宋德宜右之長洲

歲暮京華感鬢絲秋山一幅慰離思何時得遂蓴鱸願
柳畔漁磯坐詠詩

泊河月夜

沈荃貞蕙華亭

江天冰雪益淒其兒女燈前話別離擬倩東風傳笑語
五更吹入夢回時

長安

項景襄去浮仁和

裘冉冉帶風輕絮逐官河柳壓城豎子提筐如百舌
亦惟有賣花聲

渡河

宋徵輿轅文華亭

岸上起悲風夜半清霜下碧空秋鴈自南人自北

詩集
來往月明中

田家

錢光繡聖月 郵縣

株紅樹恰當門古澗橋溪斷水痕日暮牛羊收拾早
昨宵虎跡大于盆

退谷

王曰高北山 荏平

登高極目翠千重遠近雲嵐時淡濃知是仙翁招隱地
喬松如蓋在西峰

韓侯釣臺

毛師柱亦史 太倉

列爵淮陰帝業開桐江還有客星來漢家宮闕銷沉盡
寂寞乾坤兩釣臺

寄故人

丘象隨全貞 山陽

楚澤寒風急暮秋煙花日夜憶揚州看山又渡江南去
君若來時一處愁

寄贈蘇叟

姜實節學在 萊陽

開元耆舊已凋零江上何來處士星偶遇旗亭歌扇底
一聲檀板數峰青

燕京雜詠

顏堯揆弄叙 永春

鳳城春樹起朝煙西海鴛鴦斷復連無限春光愁滯客
穿雲踏雪已年年

題顧茂倫閨繡濯足圖

蔣平階大鴻 華亭

滔滔原有獨醒人故倩貞姬為寫真憎殺醜醜是蘇晉
穿針只解繡胡神

枕上

劉肇國

阮仙
潛江

愁心如織不須催
絡緯頻呼短夢迴
涼透耳根推枕起
秋聲無數向人來

懼禪

徐秉義

果亭
崑山

不隨煙浪不依山
一席安然天地間
塵拂軍持須識者
有誰人外似君閒

贈偃亭

姜希轍

定菴
山陰

雲門九日露華濃
山樹楓黃葉影重
淡坐安禪塵境裏
一潭秋水映高峯

傅園再集卽事戲呈玉淵

吳鏘

聞璋

吳江

揮毫調笑倚微醺
大雅風流盡屬君
却怪灌夫能罵坐

當筵酒污石榴裙

金陵

顏光敏

修來
曲阜

鏡中樓閣影層層
桃花津頭五夜燈
縱使當年羅綺在
忍將歌舞對西陵

渡沙河橋口占

李長科

小有
興化

沙河已過復沙河
疊見平川野渡多
若待桃花三月後
馬蹄踏處盡風波

宮詞

羅人琮

紫蘿
桃源

宮柳如煙粉黛香
歌喉萬轉舞千行
至尊罷殿沉思久
應感經筵進講章

催粧詞

吳綺

園次

江都

蛺蝶輕羅押蒜金燈前小立倚瑤琴桃花潭水兒家住
只問郎情淡不淡

聞鷓鴣

尤侗 展成
長洲

鷓鴣聲裏夕陽西陌上征人回首低遍地關山行不得
為誰辛苦盡情啼

銅鞮詞

李鴻 青立
鄧州

踏歌叢裏白銅鞮月影花香夢轉迷多少遊人行樂處
大堤城外峴山西

壚頭示秦客

呂師濂 黍字
山陰

渭北京西我舊遊葡萄美酒定高樓今朝縱醉腸應斷
何事逢君雪滿頭

除夕過邯鄲道

趙澐 山子
吳江

妖夢從頭喚不醒痴迷若箇不盧生明知夢裏邯鄲道
故向邯鄲道上行

新買漢書適有餽予以桑落酒者

許孫荃 生洲
合肥

故人遺我桑落酒大盃小盃不住口案頭新買漢書來
縱飲一石吾何有

湘行

王孫蔚 茂衍
臨潼

萬里晴江落照遲琵琶峰下小舟移楓林日暮寒鴉影
飛入長沙賈傅祠

觀女劇

毛會建 子霞
武進

淡淡星河入曉天行雲飛去轉生憐狂心欲借虞淵日

一夕須長似一年

雨中過彭澤

趙文照

鐵菴膠州

畫舫笙簫帶曉風孤城寥落野煙空人家隱見青山外
天氣蒼茫白水中

灑灑石

朱爾邁

人遠海寧

東西高擁萬峰來翠結仙人碧玉臺一線江流天上盡

彩雲輕放峽門開

題吳儀部讀書堂

顧

樵

樵水吳江

傳經爭識子雲居滿榻芸香辟蠹魚萬卷縹緗印脂粉
閨中知有女尚書

信陵湯沐地

王

岱

山長湘潭

朱亥椎當十萬兵不須小信學書生子房有智終疎略
博浪沙中浪得名

夜雨

吳

穎

見末溧陽

城下溪聲晚更清軒前嵐氣霧初生隔墻欲問種蕉客
疎雨蕭蕭打二更

晚粧

楊大鶴

芝田武進

晚粧更比曉粧工浴罷香生茉莉叢玳瑁巧梳雲髻窄
藕絲裙薄立東風

橫塘詞

朱茂暉

子蓉嘉興

迎郎月出橫塘路送郎月就橫塘墮月出月墮塘水中
願郎渡時乘好風

送友

謝重輝 方山德州

寒江樹色隱林丘極目藍溪思勝遊明月扁舟須早發
漫將心事對猿愁

于忠肅公墓下

宋實穎 旣庭長洲

碧血忠魂不可招墓門鼯鼠認前朝青山黃葉無人掃
一代英雄對寂寥

赤城上崖贈僧

呂象恒 貞一桂林

石壁疎櫺照古燈山如野鶴鶴如僧汝從丹谷尋初地
我到霞天第一層

偽周武氏

陸求可 咸一山陽

婦人何事竟當陽遊戲神通一狄梁除却六郎承寵幸

感恩猶有駱賓王

靈壁城東弔虞姬塚

馬之驕 旻徠雄縣

一劍寒霜斷珮聲千秋抔土遂崢嶸漢宮春色輕銷歇
高后園林與地平

明妃曲

虞黃昊 景銘錢塘

紫塞逶迤大漠秋髻鬟撩亂不勝愁來時略識君王面
一出宮門便白頭

驢背

梅庚 耦長宣城

驢背花枝拂帽低水村煙寺綠初齊分明小謝城東過
只少春山杜宇啼

有憶

葉鳴鸞 燕龍閩縣

鮫鮓猶染舊時紅錦字無由寄鯉通却恨多情春不管
梨花落月翠屏空

渡黃河

趙端又呂錢塘

洪澤湖邊山似黛天妃閘外浪如銀蒲帆日暮乘風去
愁殺天涯作客人

新柳

孫一致惟一鹽城

枝枝淡淺綠初勻帶雨含煙媚早春一任東風渾不解
知將青眼向何人

雪中觀獵

詹大衢陟園黃岡

風振柔條朔吹哀冰花飛處血毛堆健兒弭轡不知冷
雕落雲中帶凍來

虎丘詞

史惟圓雲臣宜興

生小吳娘不識愁裝成高屨倚壚頭玉盤紅縷銀絲鱸
官客相招上酒樓

秋日檢校樊谿草堂

葉道復見初黃岡

插竹苦茅待擬歸閒看秋水即忘機柴門竟日無人到
紅蓼洲前白鷺飛

王羲山雪中枉過

劉效曾東臯潛江

竟日淹留雪寒腐儒麤糲總相安非同杜老能來客
自是嚴公禮數寬

河堤曲

蔣景祁京少宜興

野田歲歲歎無禾未遇西風亦作波若使弘羊烹得盡

今秋不用更防河

韓侯釣臺

王九徵明侯

百尺竿懸楚水天王孫原不受人憐西風立馬淮南市
猶憶屠中有少年

送李召林之信宜令

諸定遠白洲無錫

河橋柳色曉煙輕送別何須唱渭城只為長沙遷謫後
至今才子尚留名

草橋

陳增新子更嘉善

紅旭熹微馬首生輕風先到白楊鳴金鞞躍入長堤裏
塵暗河橋玉腕輕

廣陵秋月

張鴻道苗耕慈溪

畫槩翩翩激水輕秋波潑灩月華生一番歌吹西來沸
散入清光滿地明

所見

熊正笏元獻漢陽

縹緲三山海上隈而今處處有蓬萊仙人不比鵝籠物
時向塵寰小駐回

李梅崖齋中春海棠秋日復花

林堯英蜚伯莆田

繚繞簾櫳燕去遲紫棉幾樹綻幽姿爭看裊裊花成谷
可是巴山二月時

鴛鴦湖權歌

譚吉璫舟石嘉興

胥江不遠小山存猶有遺祠翠木昏挂席西風乘興去
白蓮秋水夕陽村

柳枝詞

曹禾

頌嘉江陰

六曲屏風十二城露凝煙鎖不勝情青青已是銷魂盡
那到新翻第二聲

浣川昭化寺有懷

王一翥

補菴黃岡

南歸原有十三琴何事城頭怨女碁洞口誰能歌舊曲
秦關漢月未銷沉

江右寒食踏青見絳桃攜酒共醉

龔雲衢

首驥武進

愛花便只了平生着處尋花夢不成何事眼前紅一樹
原來今日是清明

初夏

任珩

希庵高密

王孫歸去草萋萋剩有空林鳩自啼多少綠雲飛不盡

誰人載酒過橋西

遇雨

余國槽

郇長大冶

壯心百折半成灰滿地黃塵撲面來客夢幾年魂已老
朝朝况復曉風催

除夕雨

李為霖

雨商興化

寒梅初放未成香一卷奇書獨倚牀爆竹又催風雨盡
方知明日是春陽

踏雪尋梅圖

莫與先

大岸潛江

藍田風雪意相於每憶王裴賦索居歲晚漁梁斜映水
一枝憑寄隴人書

月夜

岳宏譽

聲國武進

清言初集
嘯傲乾坤眼界空一庭明月落花風天懸翠金星河近
還有張騫一權通

雨餘見月示了一僧

張宰合陽

雨過風清步影遲松間明月是心知他年雲水重逢日
指點天空漏盡時

山樓卽事

張夏秋緒無錫

綠蔭重重夾岸齊鄰家新竹碧窗西風吹滿地臙脂亂
惹得黃鸝不住啼

聞簫

魯超文遠山陰

天色空青月色微苔痕鑄綠上垣衣數聲風送梅花落
翠竹流雲坐碧暉

李召林侍御出知信宜

董元愷舜民武進

休論地闊與天長多少儋崖此一方最是埋輪推重望
英靈岡下問張綱

所見

曹爾垣彥師嘉善

絕世嬌姿畫不如盈盈十五破瓜初最憐善解文園病
午夜看修封禪書

虎林看花謠

張芳菊人句容

玉人金地梵王家舊夢低回薄似紗近日新關春雨足
花郎移到馬塍花

燕京見梅花

陳維岳緯雲宜興

小閣輕陰細雨時風流惆悵有誰知多情怕見春光艷

不逐京華桃李枝

隋隄

林九棘伯逸

千里清流自汴通錦帆會湧浪花紅沿隄柳色年年碧
惆悵繁華入望中

春日雨花臺雜感

屈大均翁山

煙雨霏霏碧草齊斷腸春在孝陵西松杉折盡寒山路
無處堪容杜宇啼

蛻仙巖

張錫懌悅九

歷盡危機憎此身飄然遠舉羨仙真何年長揖浮丘伯
笑對桃花萬樹春

送客之茅山

諸嗣郢勿菴

直上蓬萊宮裏居繩牀丹井近何如君行倘遇華陽子
為我殷勤乞素書

弔黃歇宅宅為

徐尊顯景陵

嶙峋臺榭雨聲中珠履當年夜燭紅鬼火迴廊吹不盡
滿城桃李鳥啼風

送張娟入道

薛耳仔鉉

檀板歌聲問采薇三花冠子薜蘿衣閒來共憶人間世
一任春風柳絮飛

山行

牛鴻雲滄

巉峭千巖小徑斜濛濛煙雨野人家曉來爭汲清溪水
梅傍疎籬犬吠花

巴江憶蟹

張汝瑚 夏鍾

鉗如執鉞爪拳丁介士何當穴畝耕試問螯漿誰得似
郎官鱸與五侯鯖

渡滹沱

王廷璧 蒼嵐 祥符

馬頭殘夢醉偏多汀葦蒼茫冷夜簑畫裏瀟湘全在眼
滿天秋雨度滹沱

晚秋

杜鎮 于靜 南宮

景靜秋山萬木陰那堪落葉影蕭森杖藜獨對寒光晚
惟有清流澹客心

山夜

陳重光 協先 仁和

白屋黃茅山徑迴滿湖斜雨鬪風開主人相見能相慰

知帶龍湫寒色來

鏡

夏聞喜 大夏 高郵

勲業無成引鏡羞影形相弔一雙愁蕭蕭眼底江南岸
白盡蘆花滿地秋

越中臥龍山遠眺

李明齋 山顏 嘉興

憑高宛在畫圖間面面青峰水一灣楊柳樓頭看不盡
可憐半是望夫山

題龍門圖

程化龍 禹門 歙縣

龍門高躍杳難攀變化何常指顧間他日若從天上見
應知霖雨滿人間

琵琶亭

陸叢桂 冲默 東平

已脫風塵過此州心驚歲月逐江流紅顏不及青山色
纔嫁商人便白頭

春遊

許錦芳洲
常熟

馬驕人懶夕陽天花氣冥蒙草色芊記得漁翁沽酒處
綠楊朱戶小橋邊

蝶

高登雲丹壑
黃岡

新條叢桂菊生芽籬落猶存晚節花待得秋容迴黍谷
滕王圖畫又山家

楚王廢城

張聖佐亞衡
順天

楚王城內草萋萋野水潺湲繞綠堤廢苑無人花白落
流鶯空向故宮啼

重過法螺菴有感

宋德宏疇三
長洲

篝燈夜讀廿年前再入松陵意惘然明月不殊人幾換
青山畱我伴雲眠

棲霞寺

胥庭清永公
江寧

遠看古寺萬峰中江外雲生十里風我欲登山山未到
門前孤翠六朝松

游仙曲

陳世祥善伯
通州

衍波小幅膩于紈乞向宮中賦曉寒舊識雙成知酒渴
瓊漿先進紫瑛盤

觀棋

顧涓伊人
太倉

朔風殘漏夜遲遲對面藏機兩不知獮子總教能亂局

當前失着已多時

小秦淮曲

冒丹書青若如臯

紅牙檀板數汪倫
慣聽新歌倍愴神
不是歡場偏易感
昨宵秋雨送行人

李白酒樓

洪昇助思錢塘

一片寒雲接素秋
萬行疎樹覆城頭
海風吹上東山月
獨倚天邊太白樓

夜泊銷夏灣

柯崇樸寓匏嘉善

葭菼蒼蒼露氣清
低回陳跡不勝情
可憐此夜孤舟月
曾度吳宮歌吹聲

柳

柳葵靖共七和

陌頭楊柳作春愁
日向東風舞不休
為報畫眉人未返
長條莫遣近高樓

閒情

周綸鷹垂華亭

經年消息望中賒
誰道郎行不憶家
獨坐深閨門晝掩
却臨青鏡細簪花

太華

孫蕙樹百川

絕頂青旻露掌開
仙人風跡隱樓臺
雲間忽敞中原色
俯看黃河一線來

哭東嶽酒家許大

汪鶴孫雯遠錢塘

想像遺風似野人
生芻一慟淚沾巾
綠楊芳草東山路
不忍騎驢醉老春

冬夜石城舟中聽雨

王相業子亮三原

舟中擁被雨聲低
滴瀝篷窗送曉雞
四海百年多少淚
傷心都在石橋西

雜興

王余高自牧蕭山

碧天中斷鴈行哀
扶醉遙從野店回
纔過板橋添寂寞
夕陽一半在蒼苔

閨中早春

宮鴻營東表秦州

庭院無人花竹幽
錦衣蛺蝶弄輕柔
舊時公子歸何處
不看雙飛也淚流

夜泊

楊岱東子成都

夜船將泊權歌齊
芳草萋萋野路迷
只有斷猿無宿處

最高枝上徹明啼

瓊花觀

陶開虞月嶠通州

蕃釐古觀玉妃來
天上花移世上開
野鹿不知香已散
月明還自臥荒臺

九月見桃花

張莊山農膠州

江南燕子最無情
不待花開便北征
轉謝草根愁促織
紅殘解作斷腸聲

追憶

黃京初子武進

蘼蕪山下恨空留
多少啼痕慘未收
最是玉臺人去後
月明腸斷舊南樓

鱸魚

李式玉東琪錢塘

西風張翰早思鄉我獨乘舟下魏塘聞道鱸魚秋正美
誰知夜夜不成霜

園居

陳常夏

長賓南靖

門無剝啄晝常關努力銜盃駐醉顏為有長松寬數畝
招來好鳥亂空山

燕來

蔣漢紀

波澄會稽

不以貧家忘舊主還來故土築新居纔看曉色殷勤語
似向空齋喚讀書

古意

沈商書

橫塘錢塘

稱腰却挂翠琅玕相見無多聚首難私誓未經郎信否
夜來獨拜七星壇

宮女走馬彈鶯不得

季開生

天中泰典

蛾眉承命打鶯兒寶馬珊鞭不可知折得垂楊分上賞
路人愁絕細腰肢

雜詠

曹本榮

木欣黃岡

盧橘新傳罷漢中尚衣聞道減洮戎諸州節使休蠲助
聖主清心在合宮

送馭鹿入都

唐元迪

枚吉鳥程

朔風吹鴈度榆關驕客空循龍雀環酒罷登高臨別渚
半輪秋月萬重山

明妃曲

章

詔

鶴書吳縣

萬里和親出塞中闕氏氊帳醉春風可憐青塚傳沙漠

猶勝紅顏老漢宮

落月

沈寧 平遠石門

最是黃昏月落時起行無復影相隨縱教明夜還來照此際愁心寄與誰

女兒

趙貞 松一太倉

十五女兒髮正齊十六嫁作東鄰妻不肯低眉事村婿只將顏色向花啼

贈天台石泉洞主

徐波 元歎長洲

定僧宴坐面寒泉落葉紛飛滿膝邊半夜東風殘月上始知潭底是青天

海子

秦松齡 對巖無錫

海子紅門舊直廬苑西傳唱輦來徐只今天上嬋娟月會照離宮夜讀書

雜詠

彭始奮 海翼鄧州

十五盈盈細馬馱副笄寶玦似山河香塵偶值狹斜巷帷幔風飄顏且醜

客情

陳九臯 大開侯官

舞裙雙引研羅光蛺蝶波心欵欵狂日暮酒醒人已遠微風一道藕花香

泥中花蕊

陸輅 次公常熟

傾國由來解誤身芳華未放已成塵狂生萬斛窮途淚先儘西泠薄命人

春怨

陳大成集生無錫

樓頭楊柳正芳菲
蛺蝶多情入幕飛
獨有天涯遊俠子
花開花落不思歸

睡起

龔士薦武進

松根地繡古苔錢
寂寞重巖意灑然
秋夜簟涼貪睡足
不知月到豆棚邊

有憶

彭始超扶上鄧州

殷勤猶憶接餘歡
晨起頭風中薄寒
皎若扶桑初映日
衣香簾影避人看

雨花臺臨池

瞿龍躍天門武陵

灑墨分煙續雨花
鵝溪絹展色如霞
長千里畔春歸處

盡是香飄燕子家

別友

汪以淳淶水漢陽

輕裝又復逐南天
賦別魂銷各黯然
遙憶湘江堤畔柳
依稀猶帶鳳湖煙

寶成堂觀女樂

張陸登子山陰

玉口吹來鳳笛香
紅牙一按繫人腸
曲高只用低聲度
怕有梁塵流靚粧

錦峰所見

許山青浮常熟

東家小妹髮氍毹
記得去年同踏春
今日隔船花影裏
傍邊添箇畫眉人

馬嵬

陳允錫子帥晉江

自憊生平繡佛前
慧心女子定生天
可憐未盡鈴華想
畱作人間脂粉緣

七夕後一日題贈牛女

楊楷端木武進

七香初駕儼雲旗
玉管流珠漏易移
不道今年添閏月
肯憐明歲會時遲

感懷

趙承燦玉細沅陵

空畱明月照荒臺
幾度鶯花付酒杯
踏破江山人未老
無心依舊挂帆來

青溪送客

劉振鐸天木武進

鴈斷斜陽送客還
菱歌無數小溪灣
明朝笑指雲生處
知過前村第幾山

晚發易水

堵廷棻芬木無錫

歲晚驅車易水蒼
天涯何處問行藏
空將兩鬢星星落
換却幽州幾度霜

遊仙詩二首

劉揚俊天瓊成都

火鈴何事不相寬
勅下珠宮鎖舊壇
閒却洞天雙白鶴
更誰騎向碧雲端

家住蓬萊五洞天
一從別却淚潸然
祇今空向峨眉望
月冷山頭叫杜鵑

旌射應制

葉方藹詞庵崑山

雙飛一箭墮
秋風繁弱猶彎
舊賜弓天子
正歌狸首待將軍
不數虎頭雄

題嘯竹園

周禮魯觀

主人愛竹已成林
春晚晴空翠欲侵
夜半忽聞風雨至
伊唔雜作鳳凰聲

題畫

吳九思道賢

蒼蒼古木護山家
一夜東風水沒沙
十里青苔人不到
空庭吹落杜鵑花

水影沙痕遠接天
長林秋色翠華妍
曉來更上層樓望

一片青山破白煙

見鴈

周維巨錫

寥寥千古信何疎
繫足當年事倘虛
不是征鴻難寄託
但非蘓武不傳書

卽事

張鳳翀六翮

黃葉枝頭已半拋
無端又被老僧敲
止圖掃葉來烹雪
不為寒鴉惜舊巢

題墨竹障

喬萊石林

吳綾潑墨染龍孫
拂水梢雲傷石根
清蔭蒼茫消暑氣
篔簹谷口月黃昏

龍槐

蔣廷銓璞山

龍葱蟠屈幾多年
百尺虬枝直上天
一自風雷驚蟄後
陰膏早已遍桑田

西村

胡介祉智修

荆扉茅屋傍清谿
夾岸垂楊綠漸齊
幾度逢人頻問訊

誤疑身入苧蘿西

蒙陰道中口號

吳世杰萬子高郵

石洞雲霞窈窕間紫塵車馬老朱顏不如縱獵蒙山澤
日落風生射虎還

中秋途次偶興

李興祖廣寧鐵嶺

一輪明月掛城頭客舍淒涼感素秋盡道武昌明月好
南來乘興一登樓

少年行

李則友因兄江寧

王孫金勒馬蹄輕里巷兒童共識名金彈盡隨飛鳥落
胡牀獨據自調箏

題雪上人畫

宋 灼介山商丘

茅亭如笠秋山下踈樹藜篁小徑通安得幽尋携老衲
杖藜直入畫圖中

雲海

劉鼎文坦齋雲夢

不是桃源莫問津氤氳難辨此中真早知回首方成岸
笑煞浮楂幾輩人

譴賈

彭 焱然石黃安

漢主求賢異項秦少年痛哭哭何人如何宣室蒙溫召
只向君王說鬼神

秋日

黎際皞何有乾州

閒看鴈字過踈檣葉落梧桐月滿庭莫道臣門真似水
蒼苔雨過早青青

送友人歸浙

徐名貽 燕斯江寧

武林歸客正春天一線寒江鴈影連西子湖邊能待我
秋風理櫂下由拳

綠天庵 唐僧懷素故居

胡海 天目彭澤

一片閒雲結草堂東風不禁出梅墻蒲團坐看鈎新月
笑引芭蕉綠雨香

漢上喜晤馭鹿先生 二首

韓獻 希一烏程

津亭邂逅梁園客不道來遊在楚洲一代詩名推北斗
驚看遠服到蠻荒

天放詞人富草萊高吟猶著子陵臺知君暫把絲緡下
博得磻溪入夢來

池上

蔣宸銓 自衡長興

習習風清菡萏香戍樓吹角夜初長一天暮色山如畫
獨立池塘納晚涼

懷內

俞廷瑞 雪巖郵縣

夜深遊子不禁情行行坐坐數歸程西樓月落八千里
誰折梅花寄一聲

春怨

陳士望 友韓夔陵

飛盡梨花又柳花流鶯聲裏日初斜遊人滿却春願
願獨擁春愁是妾家

秦淮襍咏

王有馮 次興川北

青谿綠映幾垂楊短笛橫吹下夕陽往事風流無處覓

一聲簫鼓在河房

清明偕諸子登山

譚籍只收景陵

兔園夫子白鬚翁囊矢背琴領巾童懶作埋頭周易叟
魯南沂水是家風

山外

吳儀一珠符仁和

山外于墳對岳墳行人澆酒恨平分誰識南屏苑草路
忠魂一片鎖寒雲

采蓴

戴祁小宋景陵

苕葉初齊正采蓴如油波底滑生生芼薑剝笋和鹽豉
放筴先教厭楚儉

與歌者吳巨聲

沈胤范康成山陰

秦箏漫撚月如鉤萬斛葡萄未解愁座上龜年頭并白
煩君努力唱梁州

湖上

沈豐垣通聲仁和

簫鼓聲中日色曛遊人齊進湧金門草根自長平章宅
鶴影偏依處士墳

月下

陳忬若曉江溧陽

散步桐陰正夕陽衡門初閉晚蒼蒼多情最愛樓頭月
細譜歌聲出畫梁

燈下看梨花海棠

楊榆文叙武進

暗香雕佩玉玲瓏着雨凝脂別樣工誰道春風多得意
不知身在此花中

淮陰

徐永基 孝持華亭

乞食王孫亦偶然荒亭遺跡此河邊
千金他日同塵土誰識英雄未遇年

問渡

李 獲 護生興化

黃鵠晴川各有情江帆雲鳥日縱橫
有風不渡無風渡身在王維畫裏行

咏荔枝

周必勃 安劉廬江

暑雨初過新浴罷蕭森林外有天香
月明不用探蟾窟急洗瓷罍帶露嘗

茗川秋晚留別歌姬

陳祺芳 子壽常熟

杏臉輕紅酒暈潮遠山橫翠鏡前描
蘇臺大有迎郎曲

只怪衣香染未銷

離筵贈歌伎

朱文心 瑯龍通州

鸚鵡杯傳月正晴殷勤翠袖按瑤箏
明朝易水燕臺曲怕聽陽關第四聲

蘇臺

蔣遵路 路然無錫

艾陵戰罷會黃池歲歲蘇臺閉玉墀
邗水湯湯淮泗入樓船曾不載西施

樊口

謝嵩齡 字瞻武進

樊楚山川此尚存江帆齊泊向黃昏
微激月上波光靜釀酒潘生何處邨

團扇

王鴻緒 儼齋華亭

清言不集
朱樓獨夜數殘更底事難猜別有情扇影渾疑雲際月
照人秋思不分明

秋夜

傅燮

鷺來
靈壽

孤燈獨坐動危愁宿霧牽風結海樓十里蘆花飛夜雨
一聲羌笛滿山秋

過澧州望五老峯

翁介

武原
錢塘

蘭江秀發送幽香繡水紆回錦浪長五老峯高樵徑絕
碧雲深處樹蒼涼

聽俞法護歌

蔣

鏞

玉淵
武進

低按紅牙絕妙辭細聽裊裊只如絲幽情幾許難輕放
不是關心人不知

